

ახალი განათლება

13.09-19.09.2018

№25 (819) გამოდის 1998 წლიდან

www.axaliganatleba.ge

ახალი სასწავლო წელი განათლების, მეცნიერების, კულტურისა და სპორტის მინისტრის პირველი ხმაურიანი გადაწყვეტილების ფონზე დაიწყო. თანამდებობაზე დანიშნვიდან ორი თვის შემდეგ მიხეილ ბატიაშვილმა მასშტაბური საკადრო ცვლილებები განახორციელა. 10 სექტემბერს, საგანგებოდ გამართულ ბრიფინგზე მან თანამდებობიდან გაათავისუფლა ორი მოადგილე და კიდევ უწყების ოთხი მაღალჩინოსანი.



ღვეანდელი საჯარო ცვლილებები აჩის მხოლოდ ნაწილი და ვფიქრობთ, რომ ჩვეულებრივ მისთვის უნდა მოვემზადოთ საფუძვლიანად და განათლების ყველა მიმართულებით მოგვინვეს მნიშვნელოვანი ნაბიჯების გადადგმა. მიგვაჩნია, რომ ახალმა გუნდმა ახალი ხედვით და მეტი ენეჯიით უნდა შეძლოს ამ ჩვეულებების განხორციელება.

მიხეილ ბატიაშვილი



თეიმურაზ მუხლიანი



ლია ბიბაიანი



მანა მთინოშვილი



გიორგი მარჯანი



თამარ სანიანიძე



მანანა მინაბაიძე

მასშტაბური საკადრო სვლილებები განათლების სამინისტროში

ახალი სასწავლო წელი განათლების, მეცნიერების, კულტურისა და სპორტის მინისტრის პირველი ხმაურისანი გადაწყვეტილების ფონზე დაიწყო. თანამდებობაზე დანიშნულნი არიან თვის შემდეგ **მიხეილ ბატიაშვილი** მასშტაბური საკადრო ცვლილებები განახორციელა. 10 სექტემბერს, საგანგებოდ გამართულ ბრიფინგზე მან განაცხადა, რომ შეიძინა ნაცვლად, ხუთი მოადგილე ეყოლება და თანამდებობიდან გაათავისუფლა ორი მოადგილე – **თეიმურაზ მურღულია** და **ლია გიგაური**, ასევე უწყების კიდევ ოთხი მაღალჩინოსანი – განათლების ხარისხის განვითარების ეროვნული ცენტრის დირექტორი **თამარ სანიკიძე**, მასწავლებელთა პროფესიული განვითარების ეროვნული ცენტრის დირექტორი **გიორგი მაჩაბელი**, შოთა რუსთაველის საკათედრო ეროვნული სამეცნიერო ფონდის გენერალური დირექტორი **მანანა მიქაბერიძე** და შეფასებისა და გამოცდების ეროვნული ცენტრის დირექტორი **მაია მიმინოშვილი**.

მინისტრმა მაღლობა გადაუხადა მათ განეული სამუშაოსათვის და აღნიშნა, რომ განათლების ხელმძღვანელობის და ხარისხის არსებითი ზრდა ერთ-ერთი უმთავრესი პრიორიტეტია. ქვეყნის განვითარებისთვის აუცილებელია კონკურენტუნარიანი განათლების სისტემის შექმნა, თანამედროვე მოთხოვნებზე მორგება, რისთვისაც იგეგმება არაერთი უმნიშვნელოვანი რეფორმა. შესაბამისად, ამ პროცესს ახალი ენერჯია და ხედვები, ახალი საკადრო პოლიტიკა სჭირდება. სწორედ ამის გათვალისწინებით მიიღო საკადრო ცვლილებებთან დაკავშირებული გადაწყვეტილება.

მინისტრმა საკადრო ცვლილებების გაგრძელება დააანონსა და უახლოეს მომავალში საზოგადოებას განათლების სისტემის ახალ, თამამ გადაწყვეტილებებზე ორიენტირებული კადრების გაცნობას დაჰპირდა, რომელთა დანიშნავა შესაბამისი პროცედურების გავლით მოხდება.

„ჩემი მოსვლის პირველივე დღიდან გავაკეთე განცხადება სისტემაში არსებულ პრობლემებთან დაკავშირებით, ეს შეეხებოდა როგორც გრიფინგის პროცესს, ასევე სკოლებში არსებულ სხვადასხვა ტექნიკურ დარღვევებს და ა.შ. ისიც განვაცხადეთ, რეფორმების სწრაფად განხორციელება რომ დაიწყოთ, ძალიან მნიშვნელოვანია სისტემური ცვლილებები. ეს არის მნიშვნელოვანი ნინაპირი იმისთვის, რომ სწრაფი ნაბიჯებით დავინახოთ რეფორმების განხორციელება. უახლოეს დღეებში იქნება ჩვენი რეფორმის პრეზენტაცია, დაიწყება იმ ნაბიჯების განხორციელება, რომლებიც, ვფიქრობ, უახლოეს პერიოდში ხელს შეუწყობს სისტემის გაჯანსაღებას და, როგორც ვთქვით, ეს ცვლილებები განხორციელდება ახალ გუნდთან ერთად.“

საქართველოს პარლამენტის განათლებისა და მეცნიერების კომიტეტის თავმჯდომარე, **მარიამ ჯაშმა**, განაცხადა, რომ საკადრო ცვლილების განხორციელება უშუალოდ მინისტრის პრეროგატივაა, იმავდროულად მიიჩნევს, რომ ნებისმიერი ცვლილება, რომელიც უახლოეს დღეებში გამოცხადდება, იქნება მხოლოდ დადებითი როგორც ჩვენი მოსწავლეებისთვის, ასევე პედაგოგიური კორპუსისთვის.

ეროვნული სასწავლო გეგმების დეპარტამენტის ჰუმანიტარული მიმართულების ხელმძღვანელი **თამარ ჯაყელი** ამბობს, რომ მინისტრმა გაბედული ნაბიჯი გადადგა, რადგან ცვლილებები განათლების სისტემას ნამდვილად სჭირდებოდა.

„ჩემი აზრით, ეს იყო ძალიან დროული გადაწყვეტილება, შეიძლება ითქვას, დაგვიანებულიც, იმის გამო, რომ უკვე კარგა ხანია ჩვენი სისტემა სტაგნაციაშია. იმ სტრუქტურით და მოცემულობით, რა მდგომარეობაშიც სისტემა იყო, რეალურად, ვერ ხერხდებოდა ზოგადი განათლების ხარისხის მკვეთრი გაუმჯობესება.“

აუცილებლად მინდა აღვნიშნო, რომ თითოეულ ამ ადამიანს, ვინც გაათავისუფლდა, რასაკვირველია, თავისი წვლილი

აქვს შეტანილი განათლების სისტემის განვითარებაში და ყველას პატივისცემით მოვიხსენიებ, უბრალოდ, საჭიროა სისტემის მთლიანი განახლება, პირველ რიგში – კონცეპტუალური თვალსაზრისით.

ყველა ის სტრატეგია, ის ბერკეტი, რომელიც აქამდე ჩვენს სისტემაში მოქმედებდა, ვერ აუჭვავებდა განათლების ხარისხს. ვერ ხდებოდა სერიოზული, არსებითი ცვლილებების შეტანა საკლასო ოთახში. ამ თვალსაზრისით, იმედი მაქვს ამ გადაწყვეტილებას ძალიან მნიშვნელოვანი, სასიკეთო ცვლილებები მოჰყვება ჩვენი მომავლისთვის, ჩვენი მოსწავლეებისთვის და მასწავლებლებისთვის.

სრულად ვეთანხმები მინისტრის გადაწყვეტილებას. დიდი პრობლემა იყო იმ მხრივ, რომ სისტემაში არ იყო კონცეპტუალური ერთიანობა, რაც აუცილებელია იმისთვის, რომ ძალისხმევა საერთო მიზნისკენ მიდიოდეს, სკოლა აბსოლუტურად „იზლიჩებოდა“. ამ მხრივ, იმედი მაქვს მდგომარეობა გამოსწორდება. უკვე იმდენად „გამკვრივებული“ იყო ვითარება, რომ ამის „გაღწობა“ და „გადადნობა“ ეს ცვლილებები ნამდვილად სჭირდებოდა. ვფიქრობ, გაბედული ნაბიჯია, რადგან ამას, უკვე დიდი ხანია, ყველა გრძობდა, მაგრამ ნაბიჯის გადადგმას ვერაფერს ბედავდა.“

სკოლა „ჰამილტონის“ დირექტორის, განათლების საკითხებში ექსპერტის, **გია მურღულიას** აზრით, უკიდურესად მნიშვნელოვანია ვინ შეცვლის ამ ადამიანებს, როგორი იქნება მათი შერჩევის კრიტერიუმები, ზოგადი კონცეფციის ფარგლებში რა სამუშაო გეგმას, რა ვადებით და რა პასუხისმგებლობებით წარმოადგენენ ახალი ადამიანები. „სხვათა შორის, ეს ზოგადი სათქმელია, რომ ჩვენში არის ძალიან დაბალი კულტურა განეული მუშაობის შეფასების. პასუხისმგებლობის ზომა კარგად უნდა იგრძნოს როგორც საზოგადოებამ, ისე მმართველმა გუნდმა. მინისტრმა განაცხადა, რომ განათლების სისტემის ახალ კონცეფციას მალე წარმოადგენს. ახლა საინტერესოა, როგორი იქნება ახალი ხედვა, როგორი გუნდი წარდგება ამ ხედვის და ამ კონცეფციის ხარულიზაციოდ საზოგადოების წინაშე, რა ვადები იქნება დასახელებული.“

განათლების ექსპერტი იმაზეც საუბრობს, რომ თუკი წარმატების მიღწევა გვიწერს, განათლების სისტემის გააზრების მიზნების ერთიანი ველი უნდა შეიქმნას, მისი მიღწევის მექანიზმები და ა.შ. თუ არ არის ასეთი ერთიანი ველი, ცალ-ცალკე თუნდაც კონკრეტული აქტივობები სხვადასხვა უბანზე სრულფასოვანი შედეგის მომტანი ვერ იქნება. „ამიტომ, პირველი, რასაც ვისურვებდი ეს არის, შეიქმნას ერთიანი სივრცე განათლების სისტემის, სადაც ყველა კომპონენტი სინერჯულად იმოქმედებს ერთი მიზნის მისაღწევად. რიგ შემთხვევაში, საზოგადოებას შეუძნელია, რომ განათლების სისტემის სხვადასხვა კომპონენტი მთლად შეხებატკბილებულად არ მუშაობს.“

განათლების სისტემის რეფორმას და საკადრო ცვლილებებს ზოგადად დადებითად აფასებენ განათლების სხვა ექსპერტებიც და თანხმდებიან, რომ ახლა მთავარია საერთო კონცეფციის შემუშავება, რომელიც სისტემას არსებული ჩიხიდან გამოიყვანს.

რეზო აფხაზავა, განათლების ექსპერტი: „მნიშვნელოვანია, რომ ის რამდენიმე მიმართულება და პროგრამა, რომელიც წარმატებით მუშაობდა, ის კურსი დეცენტრალიზაციის შენარჩუნებულ იქნეს და ის სიახლეებიც, რომლებსაც უახლოეს მომავალში გვპირდებიან, იყოს მართლაც რეალურად სკოლისა და ზოგადი განათლების სისტემის განვითარებაზე ორიენტირებული.“

განათლების ექსპერტ **თამარ მოსიაშვილს** მიაჩნია, რომ ჩიხია ყველა მიმართულებით – გამოცდების, მასწავლებელთა პროფესიული განვითარების, ხარისხის მართვის და სხვ. ძალიან ბევრი პრობლემაა, რასაც, მისი აზრით, კომპეტენტური ადამიანებისგან შემდგარი გუნდი ნამდვილად წაადგებოდა.

მინისტრის ბრიფინგზე განათლების სისტემის მაღალი თანამდებობის პირების განთავისუფლება მოულოდნელი აღმოჩნდა საზოგადოებისთვისაც და, როგორც ჩანს, თავად განთავისუფლებულთათვის.

თეიმურაზ მურღულია განათლების მინისტრის მოადგილის თანამდებობას 2016, ლია გიგაური – 2013 წლიდან იკავებენ. მათი შესაძლო გათავისუფლების შესახებ საუბარი მას შემდეგ გააქტიურდა, რაც ახალი მინისტრის პირობებში სახელმძღვანელოების გრიფინგის პროცესში გამოვლენილი ხარვეზების შესწავლა დაიწყო. უკავშირდება თუ არა ეს საკითხი მათ გათავისუფლებას, ამაზე მიხეილ ბატიაშვილს არ უსაუბრია. თავად მურღულია ამ კავშირს კატეგორიულად გამორიცხავს და მინისტრის გადაწყვეტილებას პრინციპულ საკითხებზე შეუთანხმებლობით ხსნის. „თუ ვინმე შეეცდება ჩირქი მოსცხოს გრიფინგის პროცესს, მზად ვარ პასუხი გავცე. თუ ამ მიმართულებით ვინმეს რაიმე პრეტენზია აქვს, ვერ ამის შესწავლა და განხილვა უნდა მოხდეს. როდესაც განხილვა არ არის დასრულებული, შეფასებების გაკეთება შეუძლებელია.“

იცით, რომ ამ თანამდებობისგან დამოუკიდებლად ვარტეტორის მოვალეობის შემსრულებელი ქუთაისის საუნივერსიტეტო კომპლექსის და ჯერჯერობით იქ კიდევ არის საქმეები, რომელიც მისახედა. ამიტომ მომიწევს ამ ვალდებულებების შესრულება. მერე ვნახოთ!“

შეფასებისა და გამოცდების ეროვნული ცენტრის ხელმძღვანელის, მაია მიმინოშვილის სახელი, ბოლო პერიოდში, სამაგისტრო გამოცდების ირგვლივ განვითარებულ მოვლენებს უკავშირდება. ცენტრმა საკუთარ საიტზე, საგარეულოდ, საგამოცდო ტესტების სწორი პასუხები წინასწარ გამოაქვეყნა. თუმცა ცენტრმა ეს ინფორმაცია მალევე უარყო. ეროვნული გამოცდებისას კონდიციონების მოუწესრიგებელ სისტემასთან დაკავშირებით შეფასებისა და გამოცდების ეროვნული ცენტრის ხელმძღვანელმა პრემიერისგან საჯარო კრიტიკა დაიბასუხა.

მასწავლებელთა პროფესიული განვითარების ეროვნული ცენტრის უკვე ყოფილი დირექტორი გიორგი მაჩაბელი მიიჩნევს, მინისტრის გადაწყვეტილებაში არაბუნებრივი არაფერია და ამბობს, რომ ეს მინისტრისა და მისი ერთობლივი გადაწყვეტილება იყო, რადგან იგეგმება განათლების რეფორმის ახალი ტალღა. საკადრო ცვლილებები, რომელიც განხორციელდა, სულაც არ ნიშნავს, რომ ვიღაცამ რაღაც მიზანს ვერ მიაღწია ან ვიღაცამ ცუდად იმუშავა. ამა თუ იმ ეტაპზე არის გარკვეული გარემოებები, ამ ეტაპზე ასე ჩაითვალა საჭიროდ.

ცვლილება განათლების ხარისხის განვითარების ეროვნულ ცენტრსაც შეეხო, რომლის სახელი, ბოლო პერიოდში, სამი ხმაურისანი საქმე უკავშირდება: გასული წლის იანვარში, ავტორიზაციის საბჭომ ავტორიზაცია გაუუქმა ბათუმში მდებარე შაჰინის სკოლას, იმავე საბჭოს გადაწყვეტილებით, აგვისტოში ფუნქციონირება შეწყვიტა დემირელის კოლეჯმა. შავი ზღვის საერთაშორისო უნივერსიტეტს კი, 2018-19 სასწავლო წელს, პირველკურსელთა მიღების უფლება ჩამოერთვა. ამ გადაწყვეტილების გამო უნივერსიტეტის სტუდენტებმა აქცია განათლების სამინისტროსთან 10 სექტემბერსაც გამართეს. უკავშირდება თუ არა თამარ სანიკიძის გათავისუფლება ამ ხმაურისანი საქმეებს? ალბათ, ამ კითხვაზე პასუხს მალე შევიტყობთ ისევე, როგორც სხვა საკადრო ცვლილებების მიზეზების შესახებაც.

თამარ სანიკიძე კოლეგებს ფეისბუქგვერდზე გამოქვეყნებული სტატუსით დაემშვიდობა: „მინდა მივმართო ჩემს კოლეგებს და თანამშრომლებს, რადგან ყველასთან პერსონალურად დამშვიდობება ვერ მოვახერხე. 2016 წლიდან მოყოლებული, რომ არა თქვენი საქმისადმი დამოკიდებულება და სურვილი, რომ რეალური გარდატეხა მომხდარიყო იმ სისტემაში, რომელსაც ჩვენ ყველანი ვემსახურებით, შეუძლებელი იქნებოდა იმ პროცესების განხორციელება და იმ შედეგების მიღწევა, რასაც ბოლო ორი წლის მანძილზე მივაღწიეთ.“

მიმდინარე კვირას მიხეილ ბატიაშვილი განათლების სისტემის ახალ რეფორმას წარადგენს, საგარეულოდ, თვის ბოლოს კი, გრიფინგის პროცესში არსებული ხარვეზების შესახებ სამინისტროს შიდა აუდიტის დასკვნა გასაჯაროვდება. მინისტრის განმარტებით, კონკრეტული პირების პასუხისმგებლობის საკითხი სწორედ ამის შემდგომ დადგება.

ცვლილებები კი გაგრძელდება და როგორც მიხეილ ბატიაშვილმა განაცხადა, უახლოეს მომავალში, საზოგადოება განათლების სისტემის ახალ, თამამ გადაწყვეტილებებზე ორიენტირებულ კადრებს გაიცნობს, რომელთა დანიშნავა შესაბამისი პროცედურების გავლით მოხდება. „დღევანდელი საკადრო ცვლილებები არის მხოლოდ ნაწილი და ვფიქრობთ, რომ რეფორმისთვის უნდა მოვემზადოთ საფუძვლიანად და განათლების ყველა მიმართულებით მოგვინვეს მნიშვნელოვანი ნაბიჯების გადადგმა. მიგვაჩნია, რომ ახალმა გუნდმა ახალი ხედვით და მეტი ენერჯით უნდა შეძლოს ამ რეფორმების განხორციელება.“ – აცხადებს მინისტრი.



მოამზადა ლალი თვალაპიფილიძე

ქართულად კითხვა გავშვება ქართული მწერლობით უნდა ისწავლოს

სასკოლო სახელმძღვანელოების საკონკურსო ნაწილი შეარჩევინა და გრიფირების პროცესში რომ გარკვეულ დარღვევებს ჰქონდა ადგილი, ამის შესახებ უკვე ითქვა პრესითა და ტელევიზიით. ახლა კი სკოლაში პირველი კონკრეტული შედეგები იხილება: სხვა წიგნები აირჩიეს, სამინისტრომ კი სულ სხვა სახელმძღვანელოები შესთავაზა. პედაგოგთა დიდი ნაწილი სამართლიანად არის განაწყინებული და კითხვობს: ამ წიგნების არჩევა რომ გვდომებოდეს, თავიდანვე ავირჩევდით, რატომ ჩანს ცვლას სხვა ავტორების წიგნებით ჩვენ მიერ არჩეული სახელმძღვანელოები?

როგორია თავად სახელმძღვანელოების ავტორის თვალთქვეშა დანახვა ეს დარღვევები, რატომ აირჩია სკოლაში ერთი და მიიღო სულ სხვა, ამის შესახებ პროფესორი ნათელა მაღლაკელიძე გვესაუბრება.



აღნიშნული კონკურსი უნდა გამოცხადებულიყო 2015 წელს, რადგანაც მოქმედ სახელმძღვანელოებს ვადა 2016 წლამდე ჰქონდათ. სამინისტრომ 2018 წლამდე ამ წიგნებს ვადა ორჯერ გაუგრძელა. მაშინ პირადად მე ვთვლიდი, რომ სამინისტრომ უზრუნველყოფა ვერ მოახერხა ამ საკითხს, ახლა კი მიმაჩნია, რომ ეს შეგნებულად მოხდა და ვილაც/კონკრეტულ გამოცემლობას მისცეს დრო სახელმძღვანელოების მოსამზადებლად. ყველა დამეთანხმება, რომ რამდენიმე თვეში, თუნდაც 1 წელიწადში, ვერაფრით მოახერხებ საკონკურსოდ I-VI კლასებისათვის 20 წიგნის მომზადებას (დაეკონკრეტებ: ქართულ ენასა და ლიტერატურაში უნდა მომზადებულიყო 12 წიგნი I-IV კლასებისათვის – მოსწავლის წიგნი, მოსწავლის რეული, მასწავლებლის წიგნი, და 8 წიგნი V-VI კლასებისათვის – ქართული ლიტერატურა, ქართული ენა, მოსწავლის წიგნი და მასწავლებლის წიგნი). კონკურსი ოფიციალურად გამოცხადდა 2017 წლის თებერვალში, ტექნიკური პარამეტრები (რომელთა გარეშე ვერ მომზადდებოდა საკონკურსო მუშაობები) ცნობილი გახდა მხოლოდ ივნისში. საკონკურსო მასალა კი სამინისტროსათვის 2017 წლის სექტემბრის ბოლოს უნდა ჩაგვებარებინა (შემდეგ ვადა უმნიშვნელოდ გადაინა და ოქტომბრის პირველი რიცხვებით განისაზღვრა). კონკურსის დაგვიანებით გამოცხადების გამო ძალიან მცირე იყო სახელმძღვანელოების დანერგვისა და საკონკურსო მუშაობების დამზადებისათვის გამოყოფილი დრო.

აქვე იმასაც ვიტყვი, რომ სახელმძღვანელოების დანერგვის (7 თვე) და ექსპერტიზისათვის (6 თვე) ფაქტობრივად ერთი და იგივე დრო იყო გამოყოფილი. ვფიქრობ, რომ ვადები ექსპერტიზისათვის ხელოვნურად იყო გაწვდილი (ექსპერტები 6 თვის განმავლობაში ამაში ხელფასს იღებდნენ), ხოლო ავტორებისა და გამომცემლებისათვის – ხელოვნურად შემჭიდროებული, რათა ძალზე ცოტა დრო ჰქონოდათ მათი მნიშვნელების გათვალისწინებისათვის; მაგალითად: ექსპერტთა პირველი დასკვნები (ისიც ყველა წიგნზე არა) მხოლოდ 2018 წლის აპრილის ბოლოს მივიღეთ და სულ რამდენიმე დღე მოგვცეს შენიშვნების გათვალისწინებისათვის.

წავსარჩევს ექსპერტებთან შეხვედრისა და ჩვენი აზრის დასაბუთების უფლება. ისინი ჩვენთვის ბოლომდე ანონიმურად დარჩნენ. მათი დასკვნები, რაც არ უნდა სადავო (ხშირად არაკომპეტენტური) ყოფილიყო, უკრიტიკოდ უნდა მიგვეღო. არ იყო კომუნიკაციის საშუალება. ავტორები ბოლომდე დატუქსული მოსწავლეების როლში დავრჩით. არ გვექონდა ჩვენი მოსაზრების დასაბუთების შესაძლებლობა.

არ იყო აპელაციის საშუალება. უარყოფითი დასკვნა მე-5-მე-6 კლასების სახელმძღვანელოზე აპელაციის ვადების ამოწურვამდე ორიოდე დღით ადრე მივიღეთ. თანაც ჩვენთვის ბოლომდე გაუგებარი დარჩა, რომელ კომპონენტში რამდენი ქულა დაიმსახურა ჩვენმა ნამუშევარმა (სამინისტროს მიერ გადმოგზავნილ მასალებში მხოლოდ „წელიწადი“ და „სუფთა წონა“ ჩანდა). სამინისტრომ იმისთვისაც კი არ შეინუხა თავი, რომ რეალური ქულები დროულად ეცნობებინა ჩვენთვის.

გრიფირებულ სახელმძღვანელოთა პრეზენტაცია მოხდა სახელმძღვანელოების გარეშე. მასწავლებლებს წვდომა მხოლოდ ელექტრონულ საიტზე ჰქონდათ, ელექტრონული კი შეუძლებელია სახელმძღვანელოს ავტორის შეფასება (მით უმეტეს, რომ გასაგები მიზეზების გამო ბევრ მასწავლებელს არ აქვს წვდომა ინტერნეტრესურსებზე).

ჩვენ შემთხვევაში დარღვეული იყო ანონიმურობაც და ამდენად, სხვა ავტორებთან შედარებით, აშკარად არასაზარბიელო პირობებში აღმოვჩნდით. მართალია, საკონკურსო წიგნები ჩვენ მიერ საფუძვლიანად გადაამუშავდა და განახლდა (რამდენადმე შეიცვალა საკითხავი მასალა, თავიდან ბოლომდე განახლდა მეთოდური აპარატი, ხელახლა დაინერგა მასწავლებლის წიგნები და მოსწავლის რეული, მე-5-მე-6 კლასებისათვის დაინერგა სრულიად ახალი სახელმძღ-

ვანელოები ქართულ ენაში, დაგვემატნენ ახალი ავტორები ახალი ხედვებითა და კონცეფციით...), მაგრამ საკონკურსო წიგნების „ამოცნობა“ ექსპერტს მაინც შეეძლო. ეს ნათლად გამოჩნდა მე-5-მე-6 კლასების „დასკვნაში“, სადაც ექსპერტი პირდაპირ მიუთითებს, რომელია ძველი მასალა და რომელია – ახალი. აქვე გვიჩვენებს, რომ ძველი მასალა საერთოდ არ უნდა დაგვეტოვებინა (რატომ არ უნდა დაგვეტოვებინა ი. გოგებაშვილის „იავნანამ რა ჰქმნა?“, ვაჟას „შვილის ნუკრის ნაამბობი“, ან ნ. დუმბაძის „ხაზარულა“... ეს ჩვენთვის გაუგებარია), ახალი ავტორები კი არ მოსწონს (რ. ინანიშვილი, გ. ჩოხელი...).

ჩვენი I-IV კლასების სახელმძღვანელოები გრიფის მიღების შემდეგაც ვერ მოხვდა ე.წ. „შესყიდვების“ სიაში. მიუხედავად იმისა, რომ მათზე მასწავლებელთა დიდი ნაწილი შეაჩერდა არჩევანი და სექტემბერში სწორედ მათ ელოდა, მიიღო სულ სხვა წიგნი. ამით დაირღვა არა მხოლოდ გამოცემლობისა და ავტორების, არამედ მასწავლებლის უფლებაც – ასწავლოს იმ წიგნით, რომელიც მას მოსწონს. სამაგიეროდ „შესყიდვების სიაში“ აღმოჩნდა ის წიგნები, რომლებიც პირველ ეტაპზე გრიფინიჭებულ სახელმძღვანელოებს მსარეს, რამდენადაც მათი შენიშვნები ხშირად თითქმის გახლავთ გამოწვევილი და არაკომპეტენტური (ზოგჯერ კუროზული) და ზუსტად ემთხვევა ჩვენი ე.წ. „კრიტიკის“ აზრს. დავაკონკრეტებ – გრიფირების პროცესში ჩვენი სახელმძღვანელოების წინააღმდეგ ტელევიზიისა და სოციალურ ქსელებში დაიწყო „შავი პიარი“. ერთ-ერთ ნაკლად სწორედ ი. გოგებაშვილის პრინციპების გამოყენებას გვითვლიდნენ.

ამას ვხედავთ ექსპერტთა დასკვნებშიც, სადაც ასევე ნაკლად გვითვლიან პირველ კლასში ი. გოგებაშვილის ტექსტების გამოყენებას (ასეთი ტექსტი კი 30-ზე მეტია): „სასურველია გადაიხედოს და გადახალისდეს სახელმძღვანელოში გამოყენებული სასწავლო მასალა – ტექსტები, საბავშვო ნაწარმოებები შეიცვალოს მარტივი ბავშვისათვის გასაგები, მისი ლექსიკის გათვალისწინებით შერჩეული მრავალფეროვანი თამატიკის საკითხავი ტექსტები... 21-ე საუკუნის განათლება, პედაგოგიური პრინციპები და ხედვა, განხვავდება იმ ეპოქის (საუბარია ი. გოგებაშვილზე) მეთოდოლოგიისაგან. კერძოდ, მოთხრობა „ერთი და ორი“... არ არის გათვალისწინებული ამ ტექსტის შეფარული მესიჯები, რომელიც პირდაპირ შეიძლება იყოს აღქმული პირველკლასელის მიერ... ის გაიგებს, რომ არ უნდა ილაპარაკოს და არ უნდა ჭამოს“. (ენა და სტილი უცვლელია). ასეთ „შეფარულ მესიჯებს“ ხედავენ ისინი ი. გოგებაშვილის სხვა მოთხრობებშიც: „უსუო ყვავილი“, „მენავეები“, „მუქთამყამელა“... არაკორექტულად მიიჩნევა ექსპერტი იმ განცხადებასაც, რომ „მშობლიური ენა, დედა ენა ერთია, რამდენადაც არსებობენ ბილინგვური ბავშვები, რომელთათვისაც ორი ენა შეიძლება იყოს მშობლიური“. მოკლედ, პატივცემულმა ექსპერტმა ასე მარტივად გადაწყვიტა ბილინგვულის პრობლემა, რომელიც ბოლომდე ნამდვილად არ გახლავთ გამოკვლეული, და თვით ტერმინ „დედა ენა“ არსებობაც გარკვეული ეჭვის ქვეშ დააყენა.

ზოგიერთი შენიშვნა კუროზულია. მაგალითად, არ მოსწონთ ფრაზა „ცუდი ამინდი“: „არსებობს ამინდის მიმართ სუბიექტური დამოკიდებულება, ვილაცა მოსწონს წვიმა და ქარი, ვილაცა არ მოსწონს... ამდენად, სიტყვა „ცუდი“ საგნის

აღწერისათვის არ უნდა გამოვიყენოთ, ასეთი კატეგორიებით აღწერა არ არის მიზანშეწონილი“ (ეტიკობა, პატივცემულ ექსპერტს დაავიწყდა, რომ „ცუდი ამინდი“ მოვლენაა და არა საგანი, თანაც ქართულში არსებობს სიტყვა „ავდარი“, ჩავთვალთ იგი სუბიექტური აზრის გამოხატულებად? ან საერთოდ ამოვიღოთ ქართული ენის ლექსიკიდან სიტყვა „ცუდი“, რადგანაც იგი სუბიექტურ აზრს გამოხატავს? არ ვუყუოთ მაშინ სხვა ზედსართავეს: კარგი, ღამაზა... ისინიც ხომ სუბიექტურ აზრს გამოხატავენ?!). ამგვარ „შენიშვნებს“ მათ დასკვნებში მრავლად იხილავთ.

დაგვრჩა შთაბეჭდილება, რომ პატივცემული ექსპერტები არ იცნობენ სკოლას, განსაკუთრებით კი – პირველ კლასს, რადგანაც მიჩნიათ, რომ პირველი კლასის სახელმძღვანელო მოსწავლის დამოუკიდებელი მუშაობისთვის არის განკუთვნილი, არ იციან, რომ აქ მინიმუმამდეა შემცირებული (ან საერთოდ გაუქმებული) საშინაო დავალებაც კი. ერთთავად გვსაყვედურობენ: **ბავშვს დამოუკიდებლად მათი შესრულება გაუჭირდებაო.** ვინ თქვა, რომ ეს საფარჯიშოები პირველკლასელმა დამოუკიდებლად უნდა შეასრულოს? რისთვის არის მასწავლებელი? კი, მეც ვიცნობ ახალ მეთოდებს, რომელიც პარტნიორობაზეა დამყარებული და მასწავლებელი აღარ არის გაკვეთილის წარმმართველი, მაგრამ პირველ კლასს ეს ნაკლებად ეხება. ამ ეტაპზე მოსწავლეს ჯერ კიდევ არ აქვს დამოუკიდებელი მუშაობის ჩვევა, იგი მასწავლებელმა უნდა გამოუმუშაოს. პირველ კლასში მხოლოდ დამოუკიდებელი მუშაობით არ ისწავლება არც წერა, არც კითხვა, არ მდიდრდება არც ლექსიკური მარაგი, არ ვითარდება მეტყველება. აქ პედაგოგია საჭირო. ვერ გავიგე: გაუქმდა უკვე მასწავლებლის თანამდებობა? წიგნები პირველი კლასიდანვე დამოუკიდებელი მუშაობისთვის უნდა შევადგინოთ? ვის სჭირდება დღეს მასწავლებლის როლის იგნორირება?!

ხშირად ექსპერტთა ნაწერებში გვხვდება ენობრივი შეცდომები. ერთი ნიმუში ზემოთაც შემოგათავაზეთ. მსგავსი შეცდომებისათვის აბიტურინტებს ქულებს აკლებენ ერთიან ეროვნულ გამოცდებზე: მაგ. „ამ შემთხვევაში ჩვენ ვსაუბრობთ ერთი და იგივე ხასიათის, ნეგატიურ-სოციალური ქცევის ამსახველ შინაარსზე“, „ჩვენი სურვილი იყო მათი დროში ჩანაცვლება, რადგან პირველკლასელი მოსწავლისათვის უფრო საინტერესო გახდეს წიგნი“... არ პრინციპით შეიჩინეს ეს ექსპერტები, რატომ ანდო მათ სამინისტრომ ასეთი მნიშვნელოვანი საქმე, რატომ გადაუხადა 6 თვის განმავლობაში ხელფასი, საერთოდ ჰქონდათ თუ არა მათ ფილოლოგიური განათლება, სკოლაში მუშაობის გამოცდილება... აი, კითხვები, რომლებიც ექსპერტთა დასკვნების (განსაკუთრებით I-IV კლასებისა) კითხვისას გვიჩნდება. ყველაფერი ეს გვიჩვენს ეჭვის საფუძველს, რომ მათი ერთადერთი დანიშნულება ჩვენი წიგნების „ჩაყრა“ იყო.

აქვე გულითკივილით აღვნიშნავთ, რომ ჩვენს ექსპერტებს აშკარად არ მოსწონთ ქართული საბავშვო ლიტერატურა, საკითხავი მასალა. ამაზე მიგვითითებს ის უამრავი შენიშვნა, რომლებიც მათ აქვთ ქართველი მწერლების (ი. გოგებაშვილის, ი. ჭავჭავაძის, ა. ნერეთლის, გ. ლეონიძის, რ. ინანიშვილის, გ. ჩოხელის...) მიმართ. არ სწყალობენ პატრიოტულ თუ ფასეულობით ღირებულებებზე დაწერილ ნაწარმოებებს და მათ ამოღებას გვირჩევენ (აქაც „შეფარულ მესიჯებს“ ხედავენ). განსაკუთრებული კრიტიკის ქარცეცხლში მოექცა რ. ინანიშვილის „კრეჭანა“ (თურმე ბავშვის უფლებებს არღვევს), ი. გოგებაშვილის „მთა რუსთაველი“ (კატეგორიულად არ მოსწონთ ფრაზა: „ამ ქმნილებას აზის ბეჭედი გენიოსობისა“ – თურმე ბავშვი ვერ გაიგებს), მარტივი დარგობრივი ტექსტი „საიდან ვიცით ჩვენი ქვეყნის ისტორია“ (ბავშვს არ აინტერესებს მსგავსი საკითხები), ნ. დუმბაძის „ხაზარულა“ (აქ უკვე დავიბენით, ვერ მივხვდით, რატომ გვირჩევენ მის ამოღებას), ა. ნერეთლის „მოსწავლე და მასწავლებელი“ (აქაც მოსწავლის უფლება ირღვევა: თურმე ბავშვისათვის ცოდნის ასოცირება მოხდება სასკოლო სწავლებასთან...), გ. ლეონიძის „სიყვარული მამ გაქვს ვისი“ (თურმე მხატვრულად ძალიან სუსტია)... მოკლედ, ერთი ჩემი კოლეგის თქმისა არ იყოს, ამ „ექსპერტებმა“ სასწრაფოდ უნდა „დაატრეინინგონ“ (მათი საყვარელი ტერმინია) ჩვენი მწერლები: აუხსნან, როგორ წერონ, რა მხატვრული ხერხები გამოიყენონ, დაუკონკრეტონ – როგორი ნაწარმოებები აინტერესებთ ბავშვებს, რა „შეფარული მესიჯები“ არ უნდა მოდიოდეს მათი ნაწერებიდან, როგორ არ უნდა შელახონ ბავშვის უფლებები...

საბოლოოდ კი, როგორც განათლების დარგის სპეციალისტი, ვიტყვი: არ შეიძლება არც ჩვენი პედაგოგიური მემკვიდრეობის და არც ჩვენი საბავშვო მწერლობის ასეთი ხელაღებით იგნორირება. მიმაჩნია, რომ ის უნარები, რომელთაც ქართული ენისა და ლიტერატურის საგნობრივი სტანდარტი ითვალისწინებს, მოსწავლეებს, პირველ რიგში, სწორედ ქართველი მწერლების ნაწარმოებების კითხვით უნდა გამოუმუშაოთ. ქართულად კითხვა ბავშვმა ქართული მწერლობით უნდა ისწავლოს. ეს იყო ჩემი პოზიცია და ამ პოზიციაზე ვერჩები დღესაც.

ნათელა მაღლაკელიძე
განათლების მეცნიერებათა დოქტორი,
I-IV კლასების ქართული ენისა და ლიტერატურის
გრიფირებული სახელმძღვანელოების ავტორი

ინკლუზიური განათლება

ცვლილება, როგორც სპეციალური სწავლების პროგრამის გააძლიერება

2018 წლის 20 ივლისს „ზოგადი განათლების შესახებ“ საქართველოს კანონის განხორციელებული ცვლილების თანახმად, სპეციალური სწავლების მასწავლებლის სტატუსი მიენიჭა. ცვლილების შემდეგ, სპეციალური სწავლების ხელფასის დაანგარიშება, საჯარო სკოლის მასწავლებლის მსგავსად, სხვადასხვა კრიტერიუმების მიხედვით განისაზღვრება (განათლება, კვალიფიკაცია, სამუშაო სტაჟი და ა.შ.) და მათი საშუალო ხელფასი 400-500 ლარის ფარგლებში იქნება.

მთავრობის დადგენილებით, სსსმ მოსწავლის სწავლების ხელშეწყობისთვის ასევე იცვლება სკოლების დაფინანსება. კანონში შეტანილ ცვლილებებს სერიოზული პრობლემები მოჰყვება, რაც ახალი პროფესიული სტანდარტის დამკვიდრებას, პროფესიული განვითარების სქემის ამოქმედებას და, ზოგადად, სპეციალური სწავლების პროგრამის გაძლიერებას შეუწყობს ხელს.

რა პრობლემები იქნება უნდა ველოდეთ ინკლუზიური განათლების მიმართებით და როდის ამოქმედდება სპეციალური სწავლების პროგრამის განვითარების სქემა, ამ და სხვა დეტალებზე გვესაუბრება მასწავლებელთა პროფესიული განვითარების ცენტრის ინკლუზიური განათლების ხელშეწყობის პროგრამის მენეჯერი სალომე ჩარკვიანი.



– რა ცვლილებები შევიდა კანონში, რომელმაც ხარისხიანი ინკლუზიური განათლებას უნდა შეუწყოს ხელი?

– კანონში ორი უმთავრესი ცვლილება შევიდა, პირველი – სპეციალური სწავლების მასწავლებლის სტატუსი მიენიჭა და მეორე – შეიცვალა ინკლუზიური განათლების განმარტება. რას გულისხმობს ეს და რატომ არის ნინგადადგმული ნაბიჯი? აქამდე, როცა სისტემა ინკლუზიური განათლებას წერდავდა, რა თქმა უნდა, პირველი საზრუნავი იყო, რომ ის ბავშვები, რომლებიც სახლებში იხსნდნენ და გარეთ გამოვლის საშუალება არ ჰქონდათ, როგორმე სკოლებამდე მიგვეყვანა. სწორედ ამ კატეგორიის ბავშვებზე კეთდებოდა ძირითადი ორიენტირი – სსსმ მოსწავლის სტატუსის მინიჭება, მათი სკოლამდე მიყვანა და რესურსების შექმნა, რომლის შედეგადაც დღეს უკვე გვაქვს რეალობა, რომ სხვადასხვა საჭიროების მქონე ბავშვებს აქვთ საშუალება, იარონ სკოლებში.

სიახლე, რომელსაც კანონში შესული ცვლილება მოიტანს, იქნება მეტნაკლებად ყველა ბავშვის თანაბარი ჩართულობა საგანმანათლებლო სასწავლო პროცესში, რადგან, მოგეხსენებათ, რომ ინკლუზიური განათლება არ არის მხოლოდ სტატუსის მქონე ბავშვების განათლება. თითქმის ყველა სკოლას ჰყავს მოსწავლეები, რომლებსაც ერთი შეხედვით, არ აქვთ მკვეთრად გამოხატული საჭიროება და შესაბამისი სტატუსი, მაგრამ, გარკვეული მიზეზების გამო, ვერ ჯდებათ საგანმანათლებლო სივრცეში, ვერ მიჰყვებიან ზოგად ეროვნულ სასწავლო გეგმებს. ამის ერთ-ერთი მიზეზი შეიძლება იყოს სოციალური ფონი (ზოგ შემთხვევაში, ბავშვები სკოლაში იმის გამო ვერ დადიან, რომ მათზე უმცროს და-ძმებს უვლიან სახლში და ა.შ.). ამ დროს სისტემა მათ ვერც სსსმ მოსწავლის სტატუსს ანიჭებს და ვერც სათანადო დახმარებას უწევს. სისტემა მათ ვერ ხედავს იმის გამო, რომ არ აქვთ სსსმ მოსწავლის სტატუსი და, როგორც უკვე გითხარით, ძირითადად, სტატუსის მქონე მოსწავლეებზეა ფოკუსირებული. ამიტომ, ბუნებრივია ის დაბალი აკადემიური მოსწრება, რაც მათ მომავალზე, საბოლოო ჯამში, ძალიან ნეგატიურად აისახება. მაგალითად, ზოგიერთი სკოლა-საც ვერ ამთავრებს.

ამ მიმართულებით კანონში განხორციელებული ცვლილება ძალიან დროული და საჭიროა. ეს განსაკუთრებით მნიშვნელოვანია რეგიონისა და ეთნიკური უმცირესობებით დასახლებული რაიონების სკოლებისთვის, სადაც სტიგმა უფრო დრამატიკულად ფეხმოკიდებულია. მშობლები, ხშირ შემთხვევაში, უარს აცხადებენ მათი შვილებისთვის ასეთი სტატუსის მინიჭებაზე, მეტიც, არც კი მიმართავენ მულტიდისციპლინურ ჯგუფებს (ბუნებრივია, სხვადასხვა რეგიონებში სხვადასხვა მიზეზების გამო). უმეტეს შემთხვევაში, სამწუხაროდ, თავს იმის გამოც იკავებენ, რომ მათთვის სსსმ მოსწავლის სტატუსი შშმ პირის სტატუსთანაა გაიგივებული.

ეთნიკურ უმცირესობების მოსწავლეებში დაბალ აკადემიურ მოსწრებას სახელმწიფო ენის არცოდნაც განაპირობებს. ამ მიზეზით შექმნილი პრობლემები რეალურად გვაქვს. რეგიონების გარდა, მაგალითად, ორთაჭალაშიც არის სკოლა, სადაც მასწავლებელი ქართულად ხსნის ისტორიის გაკვეთილს, კლასში ნახევარზე მეტმა მოსწავლემ კი ქართული არ იცის და, თავისთავად, ვერც სწავლობს. ახალი განმარტებით, „ინკლუზიური განათლება არის განათლება ყველასთვის“, რაც საშუალებას მოგვცემს ხაზი გავუსვათ იმას, რომ სპეციალური სწავლებელმა მხოლოდ სსსმ მოსწავლეებთან არ იმუშაოს, არამედ გახდეს მასწავლებელი, რომელიც მასწავლებელთან ერთად შევა კლასში, მოახდენს მოსწავლეთა საჭიროებების იდენტიფიცირებას და შემდეგ ამ საჭიროებების განხორციელებას. სტატუსები, რასაკვირველია, ისევე იქნება და მათთვის ისევე იმუშავებს ინდივიდუალური სასწავლო გეგმები, თუმცა, სპეციალური მასწავლებლის ფოკუსის არეალი ამგვარად გაფართოვდება.

– უფრო კონკრეტულად, ცვლილების თანახმად, როგორ უნდა წარმართოს სპეციალური სწავლების მუშაობა და რა არის საბოლოო მიზანი?

– რადგან სპეციალური სწავლების მასწავლებლის სტატუსი მიენიჭა, ეს იმას ნიშნავს, რომ მათთვის უნდა შეიქმნას პროფესიული განვითარების სქემა, რომელზეც უკვე მიმდინარეობს მუშაობა და მასში ჩართვა ისეთივე საჭირო და სავალდებულო იქნება, როგორც დანარჩენი მასწავლებლებისთვისაა უკვე არსებულ სქემაში ჩართვა. ამ ყველაფრის გათვალისწინებით, კანონში შეტანილი ცვლილება სპეციალურ სწავლებელს, ასევე ეთქვამთ, საგნის გაკვეთილების ჩატარებას შეუზღუდავს. იმის გამო, რომ სპეციალური სწავლების ადამიანისტრატეგიის ნეკრი იყო, ძალიან დაბალი ხელფასით და განვითარების საშუალების არქონით, სისტემა თავს ხუჭავდა იმაზე, რომ ის მთელი კლასის კონტექსტში არ მუშაობდა. მას ჰყავდა მხოლოდ 1-დან 6-მდე სხვადასხვა სსსმ მოსწავლე, ამავედროულად, უფლება ჰქონდა, ჩვეულებრივ კლასში საგნის 10 საათი ჩატარებინა და დამატებითი ანაზღაურებაც მიეღო. კანონში განხორციელებული ცვლილებით კი ეს შეიცვალა და სპეციალურ სწავლებელს დამატებითი საათების ჩატარება აეკრძალა.

თავისთავად, ამ ცვლილებამ ძალიან ბევრი კითხვა გააჩინა, თუმცა ჯერჯერობით კონკრეტულ პასუხებს ვერ ვცემთ, რადგან დეტალები სწორედ ახლა მუშავდება. ძალიან ზოგადი გეგმა და ფართო სტრატეგია გვაქვს, რომელიც შედეგს რამდენიმე წელიწადში მოიტანს, თუმცა ამ გეგმას ნაბიჯ-ნაბიჯ მივყვებით.

დიდი სურვილი მაქვს, როცა მათთვის სქემა ამოქმედდება, ამას მოჰყვეს ცვლილება, რომელიც სპეციალური სწავლების სპეციფიკას შეცვლის და ის არა მხოლოდ რესურსოთახში ამცადინებს სსსმ მოსწავლეებს, არამედ იმ საკლასო ოთახში იმუშავებს თავის ძირითად მოსწავლესთან, სადაც ჩვეულებრივ გაკვეთილი მიმდინარეობს. ასეთ შემთხვევაში, მას საშუალება მიეცემა, იმუშაოს არა მხოლოდ საგანმანათლებლო ინკლუზიაზე, არამედ სოციალურზეც. იგი დააკვირდება საკლასო ფონს, მოსწავლის გარემოში შექმნილ ვითარებას, ხომ არ არის რომელიმე მოსწავლესთან ჩამორჩენა ან სხვა ტიპის პრობლემა და, ამავედროულად, ეცდება გაარკვიოს მიზეზები. აკადემიური ჩამორჩენის მქონე მოსწავლეები კი საკმაოდ ბევრი გვაქვს. მსგავსი მუშაობის სტილი არის რეალურად სპეციალური სწავლების მუშაობის მოდელი და ამ ცვლილებით ჩვენც სწორედ აქვთ მივდივართ.

თუკი ამისკენ მივდივართ და ვაღიარებთ, რომ ინკლუზია არის განათლება ყველასთვის და ამაში დიდია სპეციალური სწავლების როლი, მაშინ როდის უნდა ჩაატაროს მან საათები, როცა ამავედროულად, სქემაში ჩაერთოს სრულ განაკვეთზე, მიიღოს სრული განაკვეთის ანაზღაურება, რაც იურიდიულად გაუმართავია. სრულ განაკვეთზე ორივეგან ვერ იმუშავებს.

თავისთავად, მომატებული ხელფასიც (საშუალო ხელფასი 400-დან 500 ლარამდე განისაზღვრა და პრაქტიკოსი მასწავლებლის სრული განაკვეთის ხელფასთან გათანაბრდა) არ არის საკმარისი. ეს გათანაბრება სრულ განაკვეთთან იმიტომაც მოხდა, რომ სხვაგვარად რთული იყო დარეგულირება, რადგან სპეციალური სწავლებელი მხოლოდ გაკვეთილს არ ჩატარებს, არამედ მთლიანად სასწავლო პროცესში იქნება ჩართული.

– ვინ უნდა იყოს სპეციალური სწავლების მასწავლებელი, ამას კანონი არეგულირებს, მაგრამ ხომ არ არის სპეციალური სწავლების დეფინიციის შექმნის საშიშროება, რადგანაც რეალურად ამდენი სპეციალური სწავლებელი არ არსებობს?

– ჩვენ არ გვაქვს იმის ფუფუნება, რომ სპეციალური სწავლებელი მხოლოდ ვინაა სპეციალობით შევარჩიოთ, რადგან უნივერსიტეტები ვერ ამზადებენ კადრებს. სამწუხაროდ, ნელს სამაგისტრო პროგრამამაც ვერ გაიარა აკრედიტაცია. ამიტომ,

ძირითადად, სპეციალური სწავლებელად მონათესავე სპეციალობების მქონე კადრები აპყავთ, მაგალითად, განათლების ფსიქოლოგი, ფსიქოლოგი, სოციალური მუშაკი და ა.შ. შემდეგ მათი გადამზადების სრული დატვირთვა მთლიანად მასწავლებლის სახლზე მოდის.

– რა ხდება ამ მიმართულებით? პირველ რიგში, რამდენი სპეციალური სწავლებელი ჰყავს საგანმანათლებლო სისტემას და რას აკეთებთ მათი პროფესიული ზრდისთვის?

– პირველ რიგში, აქცენტი კეთდება სპეციალური სწავლების 120-საათიან ტრენინგ-კურსებზე, რომელიც შედგება ექვსი მოდულისგან – ეს არის სპეციალური მასწავლებლის პროფესიული განვითარების შესავალი კურსი. თავისთავად, ეს არ არის ვალდებულება, მაგრამ არის საჭიროება, რადგან როცა სქემა ამოქმედდება, მათთვის სავალდებულო გახდება სასერტიფიკაციო გამოცდების ჩაბარება. ცხადია, 120-საათიანი ტრენინგ-კურსგავალი მასწავლებელი უფრო იოლად ჩააბარებს გამოცდას, რადგან, ძირითადად, საგამოცდო მასალა სწორედ ამ მოდულებზე იქნება დაფუძნებული.

რეგიონებში, ცენტრთან მოშორებული სკოლების გამო, ძალიან გვიჭირს ჯგუფების შექმნა. ამიტომ ვაპირებთ, რომ რესურსცენტრებისთვის უფრო სტრუქტურირებული ვიდეო-მასალები მოვამზადოთ, გეგმები გვაქვს აუდიოგაკვეთილებიც, რომელიც მათ ხელს შეუწყობს, მოემზადონ სასერტიფიკაციო გამოცდებისთვის.

ადრე მსურველებისთვის ტრენინგებზე რეგისტრაცია ცხადდებოდა, რაზეც ნელს უარი ვთქვით. რესურსცენტრებიდან გამოვითხოვეთ ინფორმაცია იმ სპეციალური სწავლების შესახებ, რომელთაც არ აქვთ ვალდებულება ტრენინგ-კურსები და ამის მიხედვით განვსაზღვრეთ, სად შეიძლება შევკრათ ჯგუფი. ტრენინგებს პრიორიტეტების მიხედვით ვუშვებთ და ნელს უკვე 6 ჯგუფთან ჩატარდა ტრენინგები. ბუნებრივია, პროცესი გაგრძელდება. რაც შეეხება გრაფიკს, მას მოდულურების მიხედვით ვადაგენთ, მაგალითად, ერთი მოდულის დასრულების შემდეგ რამდენიმე დღის შესვენებას ვაცხადებთ და შემდეგ მეორე მოდულს ვაგრძელებთ.

რაც შეეხება სპეციალური სწავლებელთა რაოდენობას, 1500-ზე მეტი მასწავლებელი გვაყავს, რაც, თავისთავად, ვერ დააკმაყოფილებს იმ მოთხოვნებსა და საჭიროებებს, რაც ქვეყანაშია. მათი დეფიციტი განსაკუთრებით თბილისის სკოლებში იგრძნობა, რადგან არის სკოლები, სადაც ბევრი სსსმ მოსწავლეა, თუმცა, მწირი დაფინანსების გამო სკოლა არ იყვანს დამატებით სპეციალურ სწავლებელს. ურჩევნიათ იმ მასწავლებელს დაუშვით ანაზღაურება, რომელიც უკვე ჰყავთ. ნელსადმი 6 სსსმ მოსწავლეზე მხოლოდ 350 ლარის ვაუჩერი იყო გათვალისწინებული და თუკი მეშვიდე ან მერვე მოსწავლე დამატებოდა, სკოლა ახალი მასწავლებლის აყვანას ამ თანხით ვეღარ ახერხებდა. არადა, 7 ან 8 მოსწავლე ერთი სპეციალური სწავლებლისთვის უკვე ძალიან ბევრია. კანონში ცვლილების თანახმად, ახლა ეს დაფინანსება გაიზარდა და ვიმედოვნებთ, ბიუჯეტის ზრდასთან ერთად (ცვლილების თანახმად, დაფინანსება 500 ლარი გახდება), ეს პრობლემა იქნება მოგვარდება.

– რამდენმა მასწავლებელმა გაიარა ტრენინგი?

– ზოგადად, ცენტრს გადამზადებული ჰყავს 600-ზე მეტი სპეციალური სწავლებელი, თუმცა ზუსტად ვერ გეტყვით რამდენმა სპეციალური სწავლებელმა გაიარა 120-საათიანი ტრენინგი, რადგან უკვე გადამზადებული მასწავლებლების გადინება ხდება. როგორც კი კადრი ძლიერდება, სკოლას ტოვებს და უფრო მაღალანაზღაურებად სამსახურს პოულობს, რომ არა ასეთი შემთხვევები, ჩვენ მიერ დატრენინგებული მასწავლებლების დაფარვა გაცილებით მეტი იქნებოდა. სეროიზული პრობლემაა გადამზადებული კადრების დაკავება, თუმცა იმედი გვაქვს, სქემაში ჩართვით მათი ხელფასის ზრდის შესაძლებლობაც გაიზარდება და ეს პრობლემა შეემცირდება.

ინკლუზიური განათლება

– როგორც ცნობილია, სპეციალიზებულ სკოლებს სახელი შეეცვალა და რესურსსკოლები დაერქვა. ეს მხოლოდ სახელის ცვლილებაა?

– სპეცსკოლებს გასულ წელს ჩამოართვეს სტატუსი და გახადეს საჯარო სკოლები. ახლა ამ სტატუსის დაბრუნება მოხდა, უბრალოდ, რესურსსკოლა იმიტომ დაერქვა, რომ ეს ნაკლებ სტიგმატიზაციას იწვევს საზოგადოებაში და გარდა ამისა, ამ სკოლებს ექნებათ შესაძლებლობა, გახდნენ ძირითადი რესურსის ბაზა სხვადასხვა საჯარო სკოლაში ჩარიცხული მოსწავლეებისთვის, საჭიროების მიხედვით.

– რამდენად არიან სკოლები უზრუნველყოფილი სასწავლო რესურსით, სახელმძღვანელოებით და თვალსაჩინოებით?

– ამ მიმართულებით განათლების სამინისტრო ზრუნავს და, რამდენადაც მაქვს ინფორმაცია, ბეჭდავს სახელმძღვანელოებს, მაგალითად, უსინათლო მოსწავლეებისთვის ბრაილის შრიფტით. ამის გარდა, სკოლები თავად ზრუნავენ თვალსაჩინოებასა და სხვადასხვა სახის რესურსის შექმნაზე, რადგან მათ სპეცმასწავლებლის ხელფასის გადახდის გარდა, ვალდებულია აქვთ, სკოლა და რესურსოთახი საჭირო სასწავლო რესურსით აღჭურვილი. ეს არ კეთდება ცენტრალიზებულად, რადგან ყველა სკოლა თავად იღებს გადაწყვეტილებას, არსებული საჭიროებიდან გამომდინარე. ბევრი მასწავლებლისგან მსმენია, რომ დირექტორი ძალიან ეხმარება საჭირო რესურსის შექმნაში, თუმცა, ისიც გამიგია, რომ ზოგიერთ სკოლაში სპეცმასწავლებლები საჭირო სასწავლო რესურსებს საკუთარი ანაზღაურებით ყიდულობენ ან თავად ქმნიან.

– თქვენი აზრით, რა არის ყველაზე დიდი გამოწვევა, რაც დღეს სპეცმასწავლებლის წინაშე დგას, მხოლოდ სტატუსის მინიჭება ხომ ვერ უზრუნველყოფს ხარისხიან ინკლუზიურ განათლებას?

– პირველ რიგში, ყველაზე დიდი გამოწვევა იყო ის, რომ მათთვის აქამდე პროფესიული განვითარების სქემა არ არსებობდა და ძალიან მახარებს, რომ ამ მასწავლებლებს პროფესიული ზრდის შესაძლებლობას მიეცემა. სიმართლე გითხრათ, სტატუსის მინიჭება სქემის ამოქმედებისთვის უფრო მომწონს, ვიდრე იმის გამო, რომ მათ ამით ხელფასი მცირედით გაეზარდა. უმნიშვნელოვანესია მათი პროფესიული განვითარების სისტემაში მოქცევა. სხვა სიკეთესთან ერთად, კვალიფიკაციის ამაღლება ხელფასის ზრდის პერსპექტივა-საც გააჩენს, რაც მთავარია, ამით სპეცმასწავლებლის მოტივაცია ამაღლდება.

ჩემი აზრით, მეორე მნიშვნელოვანი გამოწვევა, რომელიც დღეს სპეცმასწავლებელს სკოლაში აქვს, მათ მიმართ დამამცირებელი დამოკიდებულებაა. როგორც წესი, დანარჩენი მასწავლებლები მათ რეკომენდაციებს არ ითვალისწინებდნენ (რა თქმა უნდა, სკოლას გააჩნია, მე უფრო ზოგად ფონზე ვსაუბრობ). რამდენიმე სპეცმასწავლებლის ჩივილს გაგანდობთ, ამბობენ, რომ ხშირად სკოლაში მათ ძიძვად აღიქვამენ და მასწავლებლები ავალბენ, ბავშვებს მიხედონ, რომ გაკვეთილზე ხელი არ შეუშალონ, იმის ნაცვლად, რომ სასწავლო პროცესში ჩართონ. დიდი იმედი მაქვს, სტატუსის ცვლილება ასეთი დამოკიდებულების ცვლილებასაც მოიტანს.

მესამე, ასევე ძალიან მნიშვნელოვანი საკითხი მათი კომპეტენციაა, თუმცა, რამდენადაც ვაკვირდები, ჩვენ შემთხვევაში, კომპეტენციაზე უფრო დიდი პრობლემა მათი ცნობიერებაა. შეიძლება ყველა მასწავლებელმა არ იცოდეს მეთოდი, როგორ იმუშაოს კონკრეტულ მოსწავლესთან, მაგრამ თუკი მას სწორი დამოკიდებულება აქვს, რაღაც ინსტრუქციის მიხედვით, რომ ბავშვი შედეგზე გაიყვანოს, ასეთ შემთხვევაში, გაცილებით უკეთესადაა საქმე, ვიდრე მაშინ, როცა მასწავლებელს უფრო მაღალი კომპეტენცია აქვს დადასტურებული, მაგრამ ცნობიერებასთან დაკავშირებული პრობლემების გამო, ერთი სული აქვს, როდის დამთავრდება გაკვეთილი.

– სავარაუდოდ, როდის ამოქმედდება სპეციალური მასწავლებლის პროფესიული განვითარების სქემა?

– დიდი იმედი მაქვს, სქემის დანერგვა ამ სემესტრში დაიწყება. იმედი, ამ ცვლილებებს, საბოლოო ჯამში, ყველა დადებითად აღიქვამს, რადგანაც ხშირად, როცა რეფორმის ფარგლებში ნაბიჯებს ვდგამთ და სიახლეს ვამკვიდრებთ, საზოგადოების ნაწილში ეს უკმაყოფილებას იწვევს, სკეპტიკურად უყურებენ. მასწავლებლების მხრიდან ახლაც მოჰყვა გარკვეული უკმაყოფილება, მაგალითად, დამატებითი საათობრივი დატვირთვის შეზღუდვის გამო. ხანდახან მასწავლებლის და მოსწავლის ინტერესები ერთმანეთს არ ემთხვევა, ძალიან მტკივნეულია, მაგრამ ამ შემთხვევაში უპირატესობა მოსწავლის მხარეს იხრება. სწორედ ასეთი შემთხვევაა მასწავლებლების მხრიდან გამოხატული უკმაყოფილება დამატებითი საათების შეთავსების აკრძალვის გამო. მაგრამ ეს ყველა მასწავლებელს არ ეხება, რადგანაც არიან სპეცმასწავლებლები, რომლებიც ამ ნაბიჯს ეთანხმებიან და ამბობენ, რომ უმჯობესია მათ თავისი შესაძლებლობები მაქსიმალურად სსსმ მოსწავლეს მოახმარონ და გაზრდილი ხელფასიც ამაში აიღონ. იმ პედაგოგებს, რომლებიც აცხადებენ, რომ სხვა საათების ჩატარებასაც ახერხებდნენ, კიდევ ერთხელ შევახსენებ, რომ მათი სამუშაო ბევრად საინტერესო გახდება, დაემატებათ სხვადასხვა სახის საქმე, რომელიც მეტად განავითარებს მათ. გული დამწყდება თუკი სპეცმასწავლებლები, რომლებიც ამავდროულად სერტიფიცირებული არიან სხვადასხვა საგნებში, არჩევანს ინკლუზიური განათლების სასარგებლოდ არ გააკეთებენ. ჩვენ ამით ბევრ კვალიფიციურ სპეცმასწავლებელს დაკარგავთ. მეორე მხრივ კი, მათი სახით, ამ რესურსს დაკარგულად არ ვთვლი – იდეალური შემთხვევაა, როდესაც მასწავლებელს, იმავდროულად, სპეცმასწავლებლის კომპეტენცია აქვს.

ესაუბრა ლალი ჯვალაძე

ინფორმაცია

ქვეყნის საუკეთესო მასწავლებლის ტიტულის მოსაკრებლად



„მასწავლებლის ეროვნული ჯილდოს“ ფინალისტების ვინაობა 5 სექტემბერს გახდა ცნობილი. ჟიურიმ გამოავლინა ხუთეული, რომელთაგან ერთ-ერთი, 5 ოქტომბერს, ქვეყნის პირველი მასწავლებლის ნოდებს მიიღებს. გამარჯვებული მართალია ერთი იქნება, მაგრამ მათ ყველას უპირობოდ უმთავრესი რამ აერთიანებთ – მაღალი პროფესიონალიზმი, სწავლებისადმი ინდივიდუალური მიდგომა და პროფესიის სიყვარული, რომელიც მასწავლებლობისთვის განსაკუთრებულად მნიშვნელოვანია. ხუთეულის წარდგენას დიდი მღელვარებით ელოდა მასწავლებელთა კორპუსი, საზოგადოება, რომელიც თვალს ადევნებდა ქვეყნის საუკეთესო მასწავლებლის გამოვლენის პროცესს და განსაკუთრებით ჯილდოს ათეული. ეროვნული ჯილდოს ადმინისტრაციამ ფინალისტების ვინაობა ვიდეორგოლით, პროფესიონალიზმით გამოირჩეულმა ცნობადმა საახებმა და დარგის სპეციალისტებმა წარადგინეს.

ელენა აბრამიშვილი, საჩხერის №2 საჯარო სკოლის ქიმიის მასწავლებელი მინისტრის მოადგილემ, ირინა აბულაძემ ასე წარადგინა: „მასწავლებელი, რომელმაც უკვე არაერთგზის გამოავლინა თავი, როგორც გამორჩეულმა პედაგოგმა და პიროვნებამ საკუთარ კოლეგებში და მშობლებში. ინდივიდუალური მიდგომით, პრაქტიკული სწავლებით იგი ახერხებს აუმაღლოს მოსწავლეებს მოტივაცია და საუკეთესო შედეგებზე გაიყვანოს ისინი. აღსანიშნავია, რომ საკუთარი საქმიანობით მას წვლილი შეაქვს არა მხოლოდ საგნის, არამედ ზოგადად სწავლა-სწავლების პროცესის გაუმჯობესებაში.“

ჯაბა ლაბაძე, ხაშურის მუნიციპალიტეტის დაბა სურამის საჯარო სკოლის ისტორიის მასწავლებელი მთამსვლელმა ბიძინა გუჯაბიძემ დაასახელა: „მოხარული ვარ, რომ მონაწილეობას ვიღებ საქართველოს მასწავლებლის ეროვნული ჯილდოს 2018 წლის კონკურსანტების გამოცხადებაში. მასწავლებელი ყველაზე მნიშვნელოვანი ადამიანია ცხოვრებაში, მშობლის შემდეგ. საუკეთესო ხუთეულის წევრია მასწავლებელი, რომელსაც სწავლების გამორჩეული, შეიძლება ითქვას, უნიკალური მეთოდი აქვს, მოსწავლეებს ეხმარება მრავალმხრივი უნარების განვითარებაში. რაც მთავარია, ბავშვებს ასწავლის რას ნიშნავს გიყვარდეს შენი ქვეყანა და ამას საქმით აკეთებდე, იმავდროულად, კრიტიკულად იაზრებდე მის წარსულსა და აწმყოს.“

ლელა კოტორაშვილი, წმინდა გიორგის სახელობის საერთაშორისო სკოლის ქართული ენისა და ლიტერატურის მასწავლებელი – პოეტმა რატი ამალლობელმა ამ მასწავლებლის განსაკუთრებულობა ადამიანობისა და ზნეობის ლიტერატურის სიყვარულით სწავლებას დაუკავშირა: „მოხარული ვარ წარმოგიდგინოთ „მასწავლებლის ეროვნული ჯილდოს“ ხუთეულის წევრი. წარმოგიდგინოთ მასწავლებელს, რომელსაც ძალიან საინტერესო სამასწავლებლო ისტორია აქვს. არც თუ ისე დიდი ხნის წინ მან პედაგოგობა სოფლის სკოლაში დაიწყო და დიდი საქმეებიც აკეთა. შედეგად, დღეს უკვე საკუთარ მიდგომებს ავითარებს და საკუთარი პიროვნული მაგალითით დიდ გავლენას ახდენს ბავშვებზე. რაც მთავარია, წიგნისა და ლიტერატურის სიყვარულით ადამიანობასა და აზროვნებას ასწავლის.“

დაჩი ნანობაშვილი, თბილისის ქართულ-ამერიკული განათლების ცენტრის, სკოლა „ჰამილტონის“ მათემატიკის მასწავლებელი მსახიობმა ნინო კასრაძემ ასე წარადგინა: „წარმოგიდგინოთ მასწავლებელს, რომელიც ძალიან ადრე შეუერთდა ამ პროფესიას, 17 წლის ასაკიდან. დღეს მისი, როგორც მასწავლებლის, გავლენა სცილდება უკვე ერთ სკოლას და უამრავ მოსწავლეს მოიცავს. ამ პედაგოგს მიაჩნია, რომ ყველა მოსწავლეს შეუძლია მიაღწიოს წარმატებას და რომ მასწავლებლის მოვალეობაა გააღვივოს ინიციატივა და მოტივაცია მოსწავლეში. სწორედ ამიტომ არ აყოვნებს შედეგი და მისი მოსწავლეები აღწევენ წარმატებას.“

მანანა კაპეტივაძე, ქალაქ ბაღდათის №2 საჯარო სკოლის ინგლისური და რუსული ენების მასწავლებელი – ამ ფინალისტ პედაგოგს კი ნილად ზედა რომ მისი ვინაობა სახალხო დამცველს, ნინო ლომჯარიას დაესახებებინა: „მოხარული ვარ, წარმოგიდგინოთ საუკეთესო ხუთეულის ერთ-ერთი წევრი, რომელიც გამოირჩევა სწავლების პროცესში შემოქმედებითი მიდგომით და მისთვის შეუძლებელი არაფერია. მისი აზრით, მასწავლებლის მთავარი ფუნქცია არა მხოლოდ საგნის სწავლება, არამედ მოსწავლეებში ღირებულებების ჩამოყალიბებაა. სწავლებისას იგი ქმნის თავისუფალ და სახალისო გარემოს და ეხმარება მოსწავლეებს მიაღწიონ განსაკუთრებულ შედეგებს.“

ლალი ჯვალაძე

სკოლის ექსტერნი გამოცდების განრიგი 2018 წლისთვის მე-12 კლასში შემაჯავალი საბნები

მე-12 კლასში შემაჯავალი საგნის/საგნების – ქართული ენა და ლიტერატურა, მათემატიკა, ისტორია, ინგლისური ენა, სამოქალაქო თავდაცვა და უზრუნველყოფა – ზოგადსაგანმანათლებლო სასწავლო პროგრამის/პროგრამების ექსტერნატის ფორმით დაძლევის გამოცდების ჩატარების განრიგი დამტკიცდა.

მინისტრის ბრძანების თანახმად, ექსტერნატის გამოცდები ცენტრალიზებულად (საგანმანათლებლო რესურსცენტრებში), პირველ სესიებად ელექტრონული ფორმით ჩატარდება.

განრიგი საბნების მიხედვით:

- ქართული ენა და ლიტერატურა – 11 სექტემბერი (10:00 საათი)
- მათემატიკა – 12 სექტემბერი (10:00 საათი)
- ისტორია – 13 სექტემბერი (10:00 საათი)
- სამოქალაქო თავდაცვა და უსაფრთხოება – 14 სექტემბერი (10:00 საათი)
- ინგლისური ენა – 15 სექტემბერი (10:00 საათი)

ინფორმაცია

გზა ევროკული უნივერსიტეტისკენ

ევროკული სამეზობლო პოლიტიკისა და გაფართოების მოლაპარაკებების საკითხებში ევროკომისიის, იოჰანეს ჰანის ინიციატივით და ევროკავშირის დაფინანსებით, საქართველოში აღმოსავლეთ პარტნიორობის ევროკული სკოლა გაიხსნა.

გახსნის ცერემონიაზე დამსწრე სტუმრებს სიტყვით მიმართა განათლების, მეცნიერების, კულტურისა და სპორტის მინისტრმა, მიხეილ ბატიაშვილმა, რომლის თქმით, ეს მნიშვნელოვანი მოვლენა საქართველოს ისტორიული არჩევნის – ევროკული ოჯახისკენ სწრაფვის კიდევ ერთი, ძალიან მნიშვნელოვანი აღიარებაა.

ევროკული სკოლა საქართველოში პირველია, რომელიც ევროკავშირის ქვეყნების ფარგლებს გარეთ დაფუძნდა და აღმოსავლეთ პარტნიორობის ქვეყნების 16-17 წლის მოსწავლეებისთვის ევროკული ხარისხის საშუალო განათლებას უზრუნველყოფს. მოსწავლეები, აღმოსავლეთ პარტნიორობის ქვეყნებიდან, მათი აკადემიური მოსწრების საფუძველზე შეირჩევიან და შესაბამის სტიპენდიებს მიიღებენ. უპირატესობა მიენიჭებათ სოციალურად დაუცველ წარჩინებულ მოსწავლეებს. ევროკული სკოლის კურსდამთავრებულები ევროკული დონის საერთაშორისო ბაკალავრის დიპლომს მიიღებენ.

მიხეილ ბატიაშვილის თქმით, ახალი სკოლა იქნება მულტიკულტურული სასწავლო და საცხოვრებელი გარემო საინტერესო არაფორმალური საგანმანათლებლო პროგრამებით. ეს იქნება შესაძლებლობა ახალგაზრდებისთვის, ისწავლონ და იცხოვრონ იმ რეალობაში, რომელიც ევროკავშირის უმთავრეს ფასეულობას – მრავალფეროვნებაში ერთიანობას ეფუძნება.

აღმოსავლეთ პარტნიორობის ევროკული სკოლის ფუნქციონირების მდგრადობის უზრუნველყოფის მიზნით, განათლების, მეცნიერების, კულტურისა და სპორტის სამინისტრო, ევროკული და აღმოსავლეთ ევროპის პარტნიორობის ერთად, აგრძელებს მუშაობას სკოლის გრძელვადიან მოდელზე, რომლის განხორციელება ევროკომისიის თანადაფინანსებით მოხდება.

2018 წლის გაზაფხულზე გამოცხადებული კონკურსის შედეგად, 2018-2019 სასწავლო წლისთვის ევროკომისიამ აღმოსავლეთ პარტნიორობის 6 ქვეყნიდან 30 მოსწავლე შეარჩია: სომხეთი (4), აზერბაიჯანი (2), ბელორუსი (4), საქართველო (8), მოლდოვა (5), უკრაინა (7).

აღმოსავლეთ პარტნიორობის პირველი ევროკული სკოლის თბილისში გახსნას ამბიციური პროექტი უნდა იოჰანეს ჰანმა და აღნიშნა, რომ: „ჩვენი პასუხისმგებლობაა, დაგვხმაროთ თქვენი უნარების განვითარებასა და შესაძლებლობების შექმნაში, რომ თქვენი პოტენციალი გამოიყენოთ. ამისთვის გადავწყვიტეთ ამბიციური პროექტის განხორციელება, ბევრი ამას ზედმეტად ამბიციურად მიიჩნევდა. თუმცა, მე ყოველთვის მჯეროდა, რომ აღმოსავლეთ პარტნიორობის სკოლა წარმატებული რეგიონული თანამშრომლობის სიმბოლო იქნებოდა.“



ევროკომისიისა და საქართველოს განათლების, მეცნიერების, კულტურისა და სპორტის სამინისტროს გადამწყვეტილებით, ევროპის „აღმოსავლეთ პარტნიორობის“ სკოლა, პირველ ეტაპზე, დროებით, კერძო სკოლის „ახალი სკოლა“ ბაზაზე იმუშავებს.

სკოლის გრძელვადიან პროექტზე მუშაობა, აღმოსავლეთ ევროპის პარტნიორობის ერთად, სამომავლოდ, აქტიურად გაგრძელდება. ამის დაპირება პრემიერ-მინისტრმა სკოლის საზეიმო გახსნაზე წარმოთქვა. ახალი შენობა კი იმ ტერიტორიაზე აშენდება, რომელსაც თბილისის მერია გამოყოფს.

მინისტრმა განაცხადა, რომ აღმოსავლეთ პარტნიორობის ქვეყნების მოზარდებისთვის, განსაკუთრებით კი სოციალურად დაუცველი წარჩინებული მოსწავლეებისთვის ეს იქნება უნიკალური შანსი, საერთაშორისო სასწავლო პროგრამების საშუალებით მიიღონ ევროკული ხარისხის განათლება.

ექვსი ქვეყნის 30 სტუდენტი სწავლასა და ცხოვრებას თბილისში უფასოდ შეძლებს, მათ სპეციალური კონკურსი გაიარეს, რომელიც რამდენიმე ეტაპს მოიცავდა. დამამთავრებელი კლასის ახალგაზრდებს სკოლა მაღალი ხარისხის განათლებას, ინოვაციურ აკადემიურ კურსებსა და კლასგარეშე აქტივობებს სთავაზობს.

ალექსანდრა ვოლჩუკი: „ამ პროგრამას ბევრი უპირატესობა აქვს: პირველი – შეგიძლია ევროპაში ისწავლო, მეორე – სწავლის განსხვავებული სისტემაა, რეალურ ცოდნას გაძლევენ, რაც ცხოვრებაში გამოგადგება.“

ქეთევან სიხარულიძე: „ჩვენ ვისწავლით ევროკული პროგრამით, რასაც ჰქვია საერთაშორისო ბაკალავრიატის აიბი დიპლომის პროგრამა, რომელიც საკმაოდ რთულია.“

სტუდენტებს, რომლებიც მულტიკულტურულ გარემოში ისწავლიან და იცხოვრობენ, ევროკომისიარმა აუხსნა, რომ განათლებაში ინვესტირება ევროკავშირისთვის მნიშვნელოვანი პასუხისმგებლობაა. მისივე განცხადებით, გასულ წელს, აღმოსავლეთ პარტნიორობის სამიტზე, ევროკული სკოლა უპირველეს პრიორიტეტად დამტკიცდა და ახალგაზრდების მხარდაჭერისთვის 340 მილიონი ევრო გამოიყო. მისივე თქმით, ეს საპილოტე პროექტია და, რასაკვირველია, პირველ პროექტში ბევრი უნდა ჩადო, რომ დასახულის რეალიზება მოახდინო. „ევროკული სკოლის რეალიზაციის იდეა მიმართულია იმისკენ, რომ მულტილინგვისტური პროგრამები შესთავაზოს საქართველოს, რადგან ევროპაში მრავალენოვანი გარემო არსებობს და ევროპაში წარმატებისთვის რამდენიმე ენის ფლობა საჭირო. ევროპაში მულტიკულტურული, მრავალენოვანი ისტორია არსებობს და ძალიან მნიშვნელოვანია ახალგაზრდებისთვის ამის მიწოდება.“

ჩვენ ამ სკოლისთვის შევარჩიეთ საქართველო და მოხარული ვარ, რომ საქართველოს ხელისუფლების მხრიდან ასეთი ძლიერი მხარდაჭერა მოვიპოვეთ. ეს გულისხმობს საქართველოსა და ევროპას შორის ურთიერთობის შემდგომ გამყარებას და თუ აღნიშნული პროექტი წარმატებულად განხორციელდა, მის ტირაჟირებას მოვახდენთ როგორც ევროპის, ასევე სხვა ქვეყნებშიც. აღნიშნული ინიციატივა როგორც საქართველოს, ასევე მეზობელი ქვეყნების ახალგაზრდებს მისცემს შესაძლებლობას, დახვეწონ თავიანთი ცოდნა და შემდეგ იქნება გზა ევროკული უნივერსიტეტებისკენ.“ – განაცხადა იოჰანეს ჰანმა.

მომზადდა ლალი ჯეღაძემ



საერთაშორისო ოლიმპიადა

ქართველი მოსწავლეების წარმატება

მათემატიკის საერთაშორისო ოლიმპიადაზე საქართველომ ერთ-ერთი საუკეთესო შედეგი აჩვენა.

ერთი ვერცხლისა და 5 ბრინჯაოს მედლით დაბრუნდა ექვსი მოსწავლისაგან შემდგარი საქართველოს ნაკრები გუნდი მათემატიკის 59-ე საერთაშორისო ოლიმპიადიდან, რომელიც 7-14 ივლისს რუმინეთის ქალაქ კლუჯ ნაპოკაში გაიმართა.

მათემატიკის საერთაშორისო ოლიმპიადის გამარჯვებული ნაკრები კომაროვის ფიზიკა-მათემატიკური სკოლის მოსწავლეებით იყო დაკომპლექტებული: **საბა ლეფსვერიძე, ნიკა ბირკაძე, თემო თოლორაია, სანდრო ხონიაშვილი, დიმა კორკოტაშვილი და ლუკა მუშუყულიანი.** მათგან საბა ლეფსვერიძე გახდა ვერცხლის მედლის მფლობელი ხოლო დანარჩენმა მოსწავლეებმა ბრინჯაოს მედლები მოიპოვეს.

გუნდს ხელმძღვანელობდნენ: ფიზიკა-მათემატიკის მეცნიერებათა დოქტორი, ასისტენტი პროფესორი, ლიდერი **გიორგი ჭელიძე**; თანალიდერი, ფიზიკა-მათემატიკის მეცნიერებათა დოქტორი, ასისტენტი პროფესორი **გივი ნადიბაიძე**; ასისტენტი, აღნიშნული ოლიმპიადის IMO 2017 წლის ოქროს მედალოსანი (ინდივიდუალური შედეგი – მე-5 ადგილი 630 მოსწავლეს შორის) **ალექსანდრე საათაშვილი.**

მათემატიკის საერთაშორისო სასწავლო ოლიმპიადებისათვის საქართველოს ნაკრები გუნდის წევრები 2018 წლის ეროვნული სასწავლო ოლიმპიადის მესამე ტურის შედეგებისა და შესარჩევი ტურების შედეგად შეირჩნენ.

საქართველოს მოსწავლეთა ნაკრებმა საერთაშორისო ოლიმპიადაზე ბრწყინვალე შედეგი აჩვენა. 12 ივლისს, ჩვენმა ბიჭებმა, ექვსივემ მედალი აიღეს. საქართველომ აჯობა, ისეთ განვითარებულ ქვეყნებს, როგორცაა გერმანია, საფრანგეთი, ესპანეთი, ბრაზილია, ნორვეგია, ინდოეთი და სომხეთი.

მათემატიკის საერთაშორისო ოლიმპიადაში წელს 107 ქვეყნის მოსწავლეები მონაწილეობდნენ. ოლიმპიადაზე საქართველოს გუნდმა ერთ-ერთი საუკეთესო შედეგი აჩვენა და 252 შესაძლებელიდან 212 ქულა მოიპოვა. გუნდურ ჩათვლაში საქართველოს მოსწავლეთა ნაკრებმა 27-ე ადგილი დაიკავა.



კომაროველი ნიკა ბირკაძე ინფორმატიკის საერთაშორისო ოლიმპიადაზე საუკეთესო ოთხეულში შევიდა.

ინფორმატიკის 30-ე საერთაშორისო სასწავლო ოლიმპიადიდან (IOI 2018), რომელიც იაპონიაში, ქალაქ ცუკუბა-იბარაკში გაიმართა, ოქროს მედლებით დაბრუნდნენ კომაროვის ფიზიკა-მათემატიკური სკოლის მოსწავლეები **ნიკოლოზ ბირკაძე** (მე-10 კლასი) და **გიორგი კლდიაშვილი** (მე-12 კლასი). ქართველი მოსწავლეები 340 მონაწილიდან 16 საუკეთესოში მოხვდნენ, ხოლო ნიკოლოზ ბირკაძე, ერთ ამერიკელ და ორ ჩინელ მოსწავლესთან ერთად, მსოფლიოს უძლიერეს ოთხეულში შევიდა.

საქართველოს ნაკრებმა 2 ოქროს მედალი მოიპოვა და 16 საუკეთესო ნაკრების სიაში მოხვდა. საქართველოს ნაკრებმა აქამდე არნახულ წარმატებას მიაღწია და იაპონიაში იმდენივე ოქროს მედალი აიღო, რაც აქამდე 22 ოლიმპიადაზე ერთად ჰქონდა აღებული. საქართველოს ნაკრებისთვის ეს ოლიმპიადა რიგით 23-ე იყო და ამ ხნის მანძილზე ჩვენს მოსწავლეებს 2 ოქროს, 10 ვერცხლის და 33 ბრინჯაოს მედალი ჰქონდათ მოპოვებული. საქართველოს ნაკრების წევრები არიან: ნიკა ბირკაძე, გიორგი კლდიაშვილი, სანდრო ხონიაშვილი, ვანო გამეზარდაშვილი.

ოლიმპიადა ორ ეტაპად ტარდებოდა. თითოეულ ეტაპზე მოსწავლეებს სამი დავალება უნდა ამოეხსნათ, რაც ორგანიზატორების მოთხოვნათა შესაბამისი პროგრამის შექმნას გულისხმობდა. თითოეული ამოცანის ამოხსნაზე მონაწილეებს ენიჭებოდათ ქულები 1-დან 100-ის ჩათვლით.

ნიკა ბირკაძემ, რომელიც ოლიმპიადაში გამარჯვებულებს შორის ყველაზე პატარაა, ინფორმატიკის საერთაშორისო ოლიმპიადაზე საუკეთესო ოთხეულში შევიდა, 88 ქვეყნის 343 მოსწავლეთა შორის 600 შესაძლებლობიდან 463 ქულა მოაგროვა და ამ შედეგით შარშან ნაჩვენები 47-ე ადგილი მე-4 ადგილზე, ხოლო შარშანდელი ვერცხლი, წელს, ოქროზე გადაცვალა. ნიკოლოზი მეორე და მესამე ადგილზე გასულ ჩინელ მოსწავლეებს მცირედით, შესაბამისად, ექვსი და სამი ქულით ჩამორჩა. პირველ ადგილზე გასულმა აშშ-ს წარმომადგენელმა **ბენჯამინ ჩინმა** 499 მოაგროვა. მან ინფორმატიკისა და მათემატიკის საერთაშორისო ოლიმპიადებში მიიღო მონაწილეობა და ამბობს, რომ ძალიან გახარებულია ორივე ოლიმპიადაზე მოპოვებული მედლებით.

ინფორმატიკის ოლიმპიადების ბრინჯაოს და ორი ვერცხლის მედლის მფლობელმა **გიორგი კლდიაშვილმა** გატეხა ნახვი და თავის მეოთხე ოლიმპიადაზე ოქროს მედალი დაეუფლა. გიორგი პირად ჩათვლაში, 365 ქულით, მე-16 ადგილზე გავიდა.

შარშანდელზე უკეთ იასპარეზა აგრეთვე **ალექსანდრე ხონიაშვილმა**, მან 185 ქულით (მასპინძალურად შესაძლო ქულათა 30,8%) 172 ადგილი დაიკავა. მისთვის ეს მეორე ოლიმპიადაა.

ნაკრების კიდევ ერთმა წევრმა, ოლიმპიადის დებიუტანტმა, **ვანო გამეზარდაშვილმა** 160 ქულით 198-ე ადგილი დაიკავა.

აღსანიშნავია, რომ ოლიმპიადაზე მხოლოდ ჩინეთის ნაკრებმა შეძლო ოთხი ოქროს მედლის მოპოვება (მე-2, მე-3, მე-6 და მე-24 ადგილებით), ხოლო აშშ-ს და სამხრეთ კორეის ნაკრებმა გუნდებმა სამ-სამი ოქროს მედალი (შესაბამისად, პირველი, მე-9, მე-13 და მე-12, მე-17, მე-19 ადგილებით). ორ-ორი ოქროს მედალი, საქართველოს ნაკრები გუნდის მსგავსად, მოიპოვეს ბელორუსის (მე-5 და მე-20 ადგილებით), იაპონიის (მე-6 და მე-17 ადგილებით), რუსეთის (მე-11 და მე-21 ადგილებით), პოლონეთის (23-ე და 26 ადგილებით) ნაკრებმა გუნდებმა.

საქართველოს ნაკრები გუნდის ოთხივე მონაწილე ვლადიმირ კომაროვის სახელობის თბილისის ფიზიკა-მათემატიკის №199 საჯარო სკოლის მოსწავლეა. გუნდს ხელმძღვანელობენ: **ვახტანგ შუკაშვილი, გოჩა მანდარია და ზაზა გამეზარდაშვილი.**

მეორე ტურის დასრულების შემდეგ, გოჩა მანდარია სოციალურ ქსელში წერდა: „ახლახან დამთავრდა მეორე ტური. ჩვენმა ნაკრებმა 2 ოქროს მედალი მოიპოვა. ოქროს მედალოსნები ნიკა ბირკაძე და გიორგი კლდიაშვილი არიან. ეს ყველა შემთხვევაში ჩვენი ნაკრების წარმატებული გამოსვლების ისტორიაში საუკეთესო შედეგია 😊“ ჩვენი გამარჯვებულები 342 მონაწილეს შორის 16 საუკეთესოში მოხვდნენ, ხოლო ნიკა ბირკაძე მსოფლიოს საუკეთესო ოთხეულშია 😊. ერთ ამერიკელთან და ორ ჩინელთან ერთად. მან სულ ახლახან დამთავრა მე-10 კლასი და დარწმუნებული ვარ, წინ კიდევ ბევრი წარმატებები ელის 😊. ნაკრების ოთხივე წევრი კომაროველია... ვულოცავ კომაროვის სკოლას ამ დიდ წარმატებას. ასევე ვულოცავ „მზიურს“, სადაც ისინი ასევე სერიოზულად ემზადებიან, ხოლო ზოგი მათგანი კი პატარა ასაკიდანვე. მიუღ სა-



ქართველოს ვულოცავ ამ უდიდეს წარმატებას. ვულოცავ ყველას, ვისაც სულ მცირე წელიწადი მაინც აქვს შეტანილი ამ მიღწევაში, მათ შორის ჩვენს ყოფილ ოლიმპიელებს. მადლობა ყველას გულშემატკივრობისათვის, რომელსაც მუდმივად ვგრძნობდით. ზევ იქნება დაჯილდოება და დახურვა.“

ოლიმპიადის მონაწილეებს, თავისუფალ დროს, საინტერესო ექსკურსიები ჰქონდათ, შთაბეჭდილი იყო მონაწილეების დაჯილდოებისა და საზეიმო დახურვის ცერემონია.

ასეთი დიდი წარმატება საერთაშორისო ოლიმპიადაზე მხოლოდ ორი წლის წინ გვქონდა ქართველებს – მათემატიკის მსოფლიო ოლიმპიადაზე „კომაროველი“ სანდრო საათაშვილი მეხუთე იყო.

მათემატიკის საერთაშორისო ოლიმპიადის ოქროსმედალოსანი სანდრო საათაშვილი მსოფლიოს საუკეთესო უნივერსიტეტების ათეულის ლიდერ პოზიციებზე მყოფმა ამერიკის შეერთებული შტატების მასაჩუსეტსის ტექნოლოგიურმა უნივერსიტეტმა სრული დაფინანსებით მიიღო.

ალექსანდრე საათაშვილი: „როდესაც უანეროში გამართულ ოლიმპიადაში რიგითი ნომრით მეხუთე ვიყავი, მათემატიკაში ავიღე ოქროს მედალი. ჩემთვის ეს ოლიმპიადა ძალიან მნიშვნელოვანი იყო, რადგან ამისთვის მე-10 კლასიდან ვემზადებოდი. წელს განსაკუთრებით დიდი დრო დავუთმე მომზადებას. სამომავლოდ ვაპირებ გავაგრძელო სამეცნიერო საქმიანობა.“

„ახალი განათლების“ რედაქცია ულოცავს კომაროვის სკოლას ამ დიდ წარმატებას.



ინფორმაცია

„ნონას თასი“ გურიასა და სამეგრელოში გამოიფინა

XX საუკუნის საქართველოს საუკეთესო სპორტსმენი ქალი, ნონა გაფრინდაშვილის, სახელობის საჭადრაკო ჯილდო – „ნონას თასი“, 7-8 სექტემბერს, გურიასა და სამეგრელოში გამოიფინა.

„ნონას თასი“, რომელიც ჭადრაკის მსოფლიო ფედერაციამ 1997 წელს დააარსა და საჭადრაკო ოლიმპიადების საუკეთესო გუნდს გადაეცემა, საქართველოს სხვადასხვა კუთხეებში მოგზაურობს, ბათუმის ოლიმპიადის ფარგლებში. ბათუმი 43-ე მსოფლიო საჭადრაკო ოლიმპიადის 23 სექტემბრიდან 5 ოქტომბრის ჩათვლით უმასპინძლებს.

მსოფლიოს ხუთგზის ჩემპიონი ნონა გაფრინდაშვილი, მსოფლიოს ორგზის ვიცე-ჩემპიონი ნანა იოსელიანი, საქართველოს ჭადრაკის ფედერაციის პრეზიდენტი და ოლიმპიადის საორგანიზაციო კომიტეტის ერთ-ერთი ხელმძღვანელი გიორგი გიორგაძე, ფედერაციის წარმომადგენლები – ამ შემადგენლობით ესტუმრნენ ქართული ჭადრაკის მესვეურები გურიასა და სამეგრელოს.

გურიამ „ნონას თასი“ ოზურგეთში, ჭადრების პარკში გამოიფინა. ჭადრაკის მოყვარულებს და უამრავ ოზურგეთელს სიტყვით მიმართეს ნონა გაფრინდაშვილმა, გიორგი გიორგაძემ და ნანა იოსელიანმა, ასევე, გურიის რეგიონში სახელმწიფო რწმუნებულმა-გუბერნატორმა ზურაბ ნასარიამ. ოზურგეთელებმა სტუმრებს ვეტერანი მოჭადრაკე, 91 წლის ოლია შათირიშვილიც დაახვედრეს, რომელმაც ნონა გაფრინდაშვილს 55 წლის წინანდელი ამბები და პირადი საჭადრაკო დაპირისპირებები შეასხენა.

ზურაბ ნასარიამ ნონა გაფრინდაშვილი, ნანა იოსელიანი და გიორგი გიორგაძე სამახსოვრო პრიზებით დასაჩუქრა, საქართველოს ჭადრაკის ფედერაციის პრეზიდენტმა კი, თავის მხრივ, სიმბოლური პრიზი გადასცა გუბერნატორს და

ოლია შათირიშვილს.

სამეგრელოში „ნონას თასი“ ზუგდიდში, დადიანების სახლის ეზოში გამოიფინა. სტუმრებს სამეგრელო-ზემო სვანეთში სახელმწიფო რწმუნებულმა-გუბერნატორმა, ალექსანდრე მონერელიამ და ადგილობრივი ხელისუფლების წარმომადგენლებმა უმასპინძლეს. ნონა გაფრინდაშვილმა და ნანა იოსელიანმა, ოზურგეთის დარად, ზუგდიდშიც გამართეს ერთდროული თამაშის სეანსი, გამორჩეულ პატარა მოჭადრაკეებს კი სამახსოვრო პრიზები და ეროვნული ოლიმპიური კომიტეტის საჩუქრები გადასცეს.

ტრადიციისამებრ, ორივე ქალაქში მოეწყო სახალისო საჭადრაკო კონკურსი, რომლის გამარჯვებულებს 43-ე მსოფლიო საჭადრაკო ოლიმპიადის სიმბოლიკით დამშვენებული მაისურები, ბლოკნოტები, მახსოვრობის ბარათები და ჩანთები გადაეცაო.

„მას შემდეგ, რაც ბათუმი ოლიმპიადის მასპინძლად დასახელდა, საორგანიზაციო კომიტეტი ყველანაირად ცდილობს ამ ტურნირის პოპულარიზაციას და „ნონას თასის“ მოგზაურობაც სწორედ ამას ემსახურება. ძალიან მიხარია, რომ ყველა ქალაქში, სადაც კი ეს ჯილდო ჩავიტანეთ, უდიდესი სიხარული და ჭადრაკის სიყვარული დავინახე. ცხადია, არც გურიის და სამეგრელოს რეგიონებია გამონაკლისი. ბედნიერი ვარ, რომ საქართველოს ამ ორ, ძირძველ კუთხეში ძველებურად უყვართ ეს უღამაზესი თამაში. ქალბატონმა ნონამ და ქალბატონმა ნანამ პატარებთან რამდენიმე საინტერესო პარტია გაითამაშეს და ვფიქრობ, ამ ბავშვებს შორისაც არიან ის მოთამაშეები, რომლებიც ახლო მომავალში საქართველოს ნაკრებ გუნდებს დააკომპლექტებენ. მადლობას ვუხდით ადგილობრივ ხელისუფლებას ჩინებული მასპინძლობისთვის. სხვანაირ დახვედრას არც ველოდით“, – განაცხადა გიორგი გიორგაძემ.



„ბათუმის ოლიმპიადის დაწყებამდე ძალიან ცოტა დრო დარჩა, მაგრამ მშვიდად ვარ: ვხედავ, რომ ყველაფერი გეგმის მიხედვით მიდის და მჯერა, ეს ოლიმპიადა საუკეთესო იქნება ისტორიაში. გურიასთან და სამეგრელოსთან უამრავი თბილი მოგონება მაკავშირებს და სწორედ ამიტომ ვესტუმრე ოზურგეთსა და ზუგდიდს. მიუხედავად იმისა, რომ პატარა არ ვარ, ვთვლი, რომ ამ თასის მოგზაურობა საქვეყნო საქმეა და სწორედ ამიტომ ვარ აქ“, – განაცხადა ნონა გაფრინდაშვილმა.

„ნონას თასი“ უკვე გამოიფინა თბილისში, თელავში, რუსთავში, ქუთაისში, ამბროლაურში, გორში, სტეფანწმინდასა და ყვარელში, ასევე რამდენიმე სოფელსა და დაბაში.

„ნონას თასის“ მორიგი მფლობელი ტურნირის დასრულების შემდეგ გამოვლინდება და ის იმ ქვეყანას გადაეცემა, რომლის ქალთა და ვაჟთა გუნდები, საერთო ჯამში, ყველაზე მეტ ქულას დააგროვებენ.

გერმანული პრესა ქართული გამოფენის შესახებ

აი, რას წერს გერმანული ელექტრონული მედია მიმდინარე წლის 4 ოქტომბერს ოფენბახის შრიფტის მუზეუმში ქართული ანბანისადმი მიძღვნილ გამოფენაზე, რომელიც საქართველოს განათლების, მეცნიერების, კულტურისა და სპორტის სამინისტრომ და ხელოვნების სასახლემ მოამზადა:

TIFLIS ON MY MIND
 Alte und neue Schriftkunst aus Georgien
 Klingspor Museum Offenbach
 5. Oktober bis 18. November 2018
 Eine Ausstellung im Programm Georgiens, Gastland der Frankfurter Internationalen Buchmesse 2018

Georgia Made by Characters
 ART PALACE OF GEORGIA
 MINISTRY OF EDUCATION, SCIENCE, CULTURE AND SPORT OF GEORGIA

თბილისის ჩემს ფიქრებში – შრიფტის ძველი და ახალი ხელოვნება საქართველოდან

საქართველო ფრანკფურტის წლევეანდელი წიგნის ბაზრობის მასპინძელი ქვეყანაა. „თბილისი ჩემს ფიქრებში“, გამოფენის ეს სახელწოდება, რომელიც მართალია შთაგონებულია ამერიკული ცნობილი სიმღერით „ჯორჯია ჩემს ფიქრებში“, ყურადღებას კავკასიის ქვეყნის კულტურულ ისტორიაზე ამახვილებს. აქ კი ძირითადი აქცენტი სწორედ ქართულ შრიფტზეა ფოკუსირებული, ის კარგად წარმოაჩენს ქართველების თვითმყოფად ლიტერატურულ გარემოს. საქართველოს ხელოვნების სასახლესთან თანამშრომლობით, ქართული შრიფტის ხელოვნება საზღვარგარეთ პირველად იქნება ნაჩვენები.

ქვეყანას, რომელიც ევროპისა და აზიის გასაყარზე მდებარეობს, საკუთარი ენა და დამწერლობა აქვს, ამ მხრივ უძველესი ნიმუშები მე-5 საუკუნით თარიღდება. საყურადღებოა ისიც, რომ 2016 წელს იუნესკომ ქართული დამწერლობა მსოფლიო არამატერიალური კულტურული მემკვიდრეობის ნუსხაში შეიტანა. მიუხედავად ასეთი აღიარებისა, საქართველოს კულტურული საგანძური მის ფარგლებს გარეთ მეტწილად ჯერ კიდევ უცნობია.

მდიდარი ექსპოზიცია ქართული ლიტერატურული კულტურის მრავალფეროვნებაზე მეტყველებს. ბეჭდური და ხელნაწერი ნიმუშები, მე-5 საუკუნის ლაპიდარული წარწერებიდან ვიდრე მე-11 საუკუნის უძვირფასეს ხელნაწერებამდე, ასევე თანამედროვე ვიდეოკოლაჟები და კალიგრაფიული

კომპოზიციები სრულ წარმოდგენას გვიქმნის ქართული დამწერლობის თავგადასავალზე. შუა საუკუნეების გრაფიკები და იშვიათი წიგნები კარგად ასურათებს XVI-XVIII საუკუნეების საქართველოს წარსულს. ექსპოზიციის მშენებელია 1629 წელს რომში დაბეჭდილი ქართულ-იტალიური ლექსიკონი და 1709 წელს, მეფე ვახტანგ VI-ის ბრძანებით, თბილისში გამოცემული ქართული სახარება.

ტიპოგრაფიული ნამუშევრები კარგად ადასტურებს იმას, რომ ტიფლისი, მე-20 საუკუნის დასაწყისში, ავანგარდიზმის სასიცოცხლო ცენტრი იყო. გამოფენა ქართველი კალიგრაფების თანამედროვე ნამუშევრებით სრულდება. ისინი შთაბეჭდვად არიან დარბაზში წარმოდგენილნი, ამ მხრივ განსაკუთრებულ გარემოს სოფო კინწურაშვილის 33 ასო-ბგერისაგან შემდგარი ხელშესახები ობიექტები ქმნიან, ისინი შეზღუდული მხედველობის ადამიანებს გამოფენის აღქმის საშუალებას აძლევენ.



უკაბელო ინტერნეტი რეგიონების საჯარო სკოლებს

საგანმანათლებლო პროცესის თანამედროვე წარმართვისთვის, განსაკუთრებით რეგიონების სკოლებში, უკაბელო ინტერნეტს უზარმაზარი მნიშვნელობა ენიჭება. შესაბამისად, საქართველოს მთავრობის გადაწყვეტილებით, სამინისტროს მმართველობის სფეროში მოქმედ სსიპ „საგანმანათლებლო და სამეცნიერო ინფრასტრუქტურის სააგენტოს“ უფლებამოსილება მიენიჭება, საჯარო სკოლებისთვის უკაბელო ინტერნეტის ინფრასტრუქტურა შეისყიდოს. აღნიშნული საკითხი მთავრობის სხდომაზე საქართველოს განათლების, მეცნიერების, კულტურისა და სპორტის მინისტრმა, მისიელ ბატიაშვილმა მთავრობის წევრებს წარუდგინა.

მინისტრის თქმით, სააგენტოს მიერ, პირველ ეტაპზე, უკაბელო ინტერნეტით უზრუნველყოფილი იქნება 69 საჯარო სკოლა, რომელთა უმეტესობა რეგიონების, კერძოდ: ახალციხის, სამტრედიის, ფოთის, მარტვილის, საჩხერის, ცაგერის, წყალტუბოს, თიანეთის, ადიგენის, ბოლნისის, ახმეტის, ყაზბეგის, ლანჩხუთის, ჩოხატაურის, ხარაგაულის, ოზურგეთის და ა.შ. სკოლებია.

ჩატარებული ბაზრის კვლევის შედეგების გათვალისწინებით, საჭირო ფინანსური სახსრების ოდენობა, სავარაუდოდ, 1 740 000 ლარით განისაზღვრება.

მთავრობის გადაწყვეტილებით
 საქართველოს 69 საჯარო სკოლა
 რომელთაგან 50 რეგიონების მდებარეობს
 უკაბელო ინტერნეტით იქნება უზრუნველყოფილი

საბჭოთაქი 2018

ინფორმაცია

ბერნინის სკოლა და რომაული ბაროკო

ლენარდო და ვინჩის, მიქელანჯელოს, რაფაელის, ბოტიჩელის, ტიციანის და სხვა დიდი იტალიელი მხატვრების ნამუშევრების შემდეგ, საქართველოს ეროვნული მუზეუმი მასპინძლობს გამოფენას „ბერნინის სკოლა და რომაული ბაროკო“.

ექსპოზიცია დ. შევარდნაძის სახელობის ეროვნულ გალერეაში გაიხსნა.

გამოფენა გახსნეს საქართველოს განათლების, მეცნიერების, კულტურისა და სპორტის მინისტრმა, მიხეილ ბატიაშვილმა, იტალიის ელჩმა საქართველოში, ანტონიო ენრიკო ბარტოლიმ, საქართველოს ეროვნული მუზეუმის დირექტორმა, დავით ლორთქიფანიძემ და ტურიზმის ეროვნული ადმინისტრაციის ხელმძღვანელმა, გიორგი ჩოგოვაძემ.

„ძალიან მნიშვნელოვანია, რომ გრძელდება მართლაც უნიკალური გამოფენების სერია ეროვნულ მუზეუმში. ჩვენს ახალგაზრდებს, სკოლის მოსწავლეებს, საშუალება აქვთ, გარდა საგამოფენო სივრცეების დათვალიერებისა, რაც შეიძლება მეტი ინფორმაცია მიიღონ საგანმანათლებლო პროგრამებით. ეს კიდევ ერთი კარგი ნიმუშია იმისა, თუ როგორ უნდა თანამშრომლობდეს კულტურა და განათლება ჩვენი ახალგაზრდებისთვის და მომავალი თაობისთვის. ამ მიმართულებით, ეროვნულ მუზეუმთან ძალიან აქტიურად ვმუშაობთ“ – განაცხადა საქართველოს განათლების მეცნიერების,



კულტურისა და სპორტის მინისტრმა მიხეილ ბატიაშვილმა.

25 ნოემბრამდე, დ. შევარდნაძის სახელობის ეროვნულ გალერეაში, ბერნინისა და XVII საუკუნის სხვა იტალიელი ოსტატების შედეგები იქნება გამოფენილი, რომლებიც დაცულია რომის მახლობლად მდებარე რომაული ბაროკოს მუზეუმში „პალაცო კიჯი ინ არჩია“.

გამოფენაზე 60-მდე ნამუშევარია წარმოდგენილი, მათ შორის: ფერწერული და გრაფიკული პორტრეტები, ავტოპორტრეტები, პეიზაჟები, სხვადასხვა ფრესკისთვის მოსამზადებელი ესკიზები, ბრინჯაოს მედლები, კედლის დეკორები – ტყავისა და აბრეშუმის საკიდები, დეკორატიული ლამპა და სხვ.

ნამუშევრები სრულყოფილად წარმოაჩენს სახვითი ხელოვნების იმ უანრებსა და სტილს, რომლებმაც ბაროკოს ესთეტიკა განსაზღვრა და, იმავდროულად, ჩამოაყალიბა კათოლიკური ეკლესიის როგორც ზნეობრივი, ისე სულიერი საკომუნიკაციო სისტემა. ისტორიული, ალეგორიულ-რელიგიური და მითოლოგიური თემატიკის მომცველი ფერწერის გარდა, წარმოდგენილი იქნება სახასიათო ნიმუშები იმ უანრებისა, რომლებსაც აღნიშნული ეპოქის ქტიტორები ანიჭებდნენ უპირატესობას.

გამოფენას თან ახლავს სხვადასხვა ასაკისთვის განკუთვნილი საგანმანათლებლო პროგრამები და საჯარო ლექციები.

10 სექტემბერს, ეროვნულ გალერეაში პირველი საჯარო ლექცია მუზეუმის „პალაცო კიჯი ინ არჩია“ დირექტორმა, ფრანჩესკო პეტრუჩიმ გამართა.

პროექტი იტალიის საელჩოსა და საქართველოს ეროვნული მუზეუმის მჭიდრო თანამშრომლობის შედეგია და საქართველოს მთავრობის პროექტის Check-in-Georgia ფარგლებში ხორციელდება.

გამოფენა Palazzo Chigi-სა და Global Project Consulting-თან კოლაბორაციით ხორციელდება. ინიციატივის მხარდამჭერები: საქართველოს განათლების, მეცნიერების, კულტურისა და სპორტის სამინისტრო, ეკონომიკისა და მდგრადი განვითარების სამინისტრო, ტურიზმის ეროვნული ადმინისტრაცია, იტალიის საგარეო საქმეთა და საერთაშორისო თანამშრომლობის სამინისტრო და პროგრამა „VivereALL“-Italiana“. გამოფენების მხარდამჭერები ასევე არიან: DBA, Salini Impregilo, ვითიბი ბანკი, Leonardo, Gulf, Anas.

ჯოვან ლორენცო ბერნინი (ნაპოლი 1598 - რომი 1680) ბაროკოს ხელოვნების დიდ სტრატეგოსად და მის უმაღლეს წარმომადგენლად გვევლინება. ნახევარ საუკუნეზე მეტი ხნის განმავლობაში არაერთი პაპის სამსახურში იყო. ცნობი-



ლია, როგორც მოქანდაკე და არქიტექტორი, თუმცა, ამავედროულად, იყო ფერწერი, სცენოგრაფი, მსახიობი და კომედიოგრაფი. მისი მრავალმხრივი ნიჭის გამოვლინებაა მდიდრული და საუცხოო დეკორაციები, რომელთა მასალის მრავალფეროვნება, ორნამენტული დეტალების უნაკლო სტილი და ექსპრესიულობა ხელოვნების ყველა სახეობაში სრულყოფილების შექმნისკენაა მიმართული.

3 000 წლით დათარიღებული თავდასვითი თხრილი

ქართულ-პოლონური მუდმივმოქმედი არქეოლოგიური მისიის ფარგლებში, მიმდინარე სამეცნიერო კვლევა-ძიებისას, ქალაქ ქუთაისში, 3 000 წლით დათარიღებული თავდასვითი თხრილი გამოვლინდა. წყლით სავსე თხრილს სპეციალისტები გვიანი ბრინჯაოს ხანის მნიშვნელოვანი კოლხური კულტურული დასახლების თავდაცვის საშუალებას მიაკუთვნებენ. ქართველი და პოლონელი არქეოლოგების ვარაუდით, აღნიშნული აღმოჩენა შესაძლოა გახდეს პირველი მატერიალური დადასტურება იმისა, რომ გვიანი ბრინჯაოს ხანის მნიშვნელოვანი ცენტრი – კოლხეთის ცივილიზაცია ნამდვილად ქუთაისის ამჟამინდელი გაბაშვილის გორის გარშემო (არქეოლოგიური გათხრების არეალი) არსებობდა.

ახლად გამოვლენილი თხრილის ზომები სიგანით 10მ-ს, ხოლო სიღრმე კი 6მ-ს აღწევს. არქეოლოგიური ობიექტი ტიპურია იმ ანალოგებისა, რომლებიც გამოყენებული იყო ბრინჯაოს ხანის პერიოდში (დაახლოებით 3000-3500 წლის წინ) და მოგვიანებით – ანტიკურ ხანაში (IV-VI საუკუნეები ჩვ.წ. აღრიცხვით). იქიდან გამომდინარე, რომ არქეოლოგიური თხრილის მიმდებარე რელიეფი შეუქცევადადაა შეცვლილი სხვა-

დასხვა ჩარევისა და თანამედროვე მშენებლობების შედეგად, მეცნიერები აღმოჩენილ თხრილს ქუთაისის ადგილზე ანტიკური ქალაქის არსებობის ჯერჯერობით ერთადერთ მატერიალურ დადასტურებად მიიჩნევენ.

პოლონურ-ქართული ექსპედიციის კიდევ ერთი უმნიშვნელოვანესი აღმოჩენა ე.წ. კოლხური ბრინჯაოს ცულის ჩამოსასხმელი ქვის ყალიბს უკავშირდება. აღმოჩენილია გამოსანვავ ლუმელში გამოსაყენებელი კერამიკული მილი, რომელიც სპეციალისტებს საკვლევი არეალის მიმდებარედ მეტალურგიის არსებობის ისტორიულ კვალზე მიანიშნებს. ქართულ-პოლონური გუნდის მიერ არქეოლოგიურ ქვედა ფენებში გამოვლენილია კოლხეთში დამზადებული გვიან ბრინჯაოს ხანის ტიპური კერამიკული და ანტიკური ხანის თიხის ჭურჭელი. ადგილობრივად წარმოებულ მასალებთან ერთად აღმოჩენილია იმპორტირებული ჭურჭლის ფრაგმენტებიც.

ყურძნისა და ლეღვის ნიჰნების, მარცვლეულისა და სხვა საკვები მცენარეების სახით გამოვლინდა ორგანული ნარჩენებიც. მეცნიერები იმედოვნებენ, რომ ეს აღმოჩენა მათ

3 000-3 500 წლის წინანდელი ადგილობრივი ფლორისა და ანტიკური კოლხეთის მცხოვრებთა კვების რაციონის აღდგენაში დაეხმარება. არქეოლოგიური მასალების ნიმუშები, თხრილში აღმოჩენილი ხის საყრდენების ფრაგმენტებთან ერთად, უახლოეს მომავალში, პოლონეთის ქიმიურ ლაბორატორიებში შემდგომი კვლევისათვის გაიგზავნება.

არქეოლოგიური ძიებისას გამოვლენილი ობიექტები შედეგია ქართულ-პოლონური ერთობლივი კვლევითი პროცესისა, რომელიც კულტურული მემკვიდრეობის დაცვის ეროვნული სააგენტოსა და ვარშავის უნივერსიტეტის ძალისხმევით ქუთაისში ახლად გახსნილი ინტერდისციპლინარული ცენტრის ბაზაზე ხორციელდება.

კულტურული მემკვიდრეობის დაცვის ეროვნული სააგენტოს ქუთაისის მუზეუმ-ნაკრძალის თანამშრომლების, ქუთაისის კრუკოვსკის სახელობის ინტერდისციპლინარული კვლევითი ცენტრისა და ნიკო ბერძენიშვილის სახელობის ქუთაისის ისტორიის სახელმწიფო მუზეუმის მიერ ერთობლივად კოორდინირებულ პროექტს პოლონეთის ეროვნული ფონდი აფინანსებს.




POLSKA FUNDACJA NARODOWA
INSTYTUT ARCHEOLOGII I ETNOLOGII
UNIVERSYTET WARSZAWSKI

რეჟიზი ტონი ვაზნარისკან

7 თვისება, რომელიც მოსწავლემ სკოლაში უნდა შეიძინოს

ჰარვარდის უნივერსიტეტის პროფესორმა, ტონი ვაზნარისკანმა, რომელიც 12 წლის განმავლობაში მუშაობდა ინგლისურის მასწავლებლად და ასევე სკოლის დირექტორად, 2008 წელს გამოცა ნიშანი „THE GLOBAL ACHIEVEMENT GAP“. გამოცემა მალევე გახდა გავრცელებული და რამდენიმე ენაზე ითარგმნა. ნიშანი წარმოაჩენს სხვაობას – რასაც დღეს, თუნდაც, საშუალო სკოლაში მოსწავლეებს ასწავლიან და იმ რაოდენობად ღირებულ თვისებებს შორის, რომელსაც მოითხოვს თანამედროვე ეკონომიკა და შრომის ბაზარი. ნიშნის პირველ თავში აღწერილია 7 ყველაზე მნიშვნელოვანი თვისება, რომელიც სკოლის დამთავრებაზე ყველა მოსწავლემ უნდა შეიძინოს იმისათვის, რომ შემდგომში იშოვოს და შეინარჩუნოს კარგი სამსახური, ჰქონდეს წარმატებული კარიერა და თუნდაც იმისთვის, რომ იყოს კარგი მოქალაქე. იმისთვის, რომ გამოეძვინა უნარები, რომელიც ასე ფასობს 21-ე საუკუნეში, ავტორმა ასამდე წარმატებული ორგანიზაციის, მათ შორის, APPLE, UNILEVER, ასევე ამერიკის არმიის და სხვა სფეროს ხელმძღვანელები გამოიკითხა.



მელს უწევს რაღაც ახლის შესწავლა და მორგება ახალ გარემოსთან. ავტორის თქმით, ორივე ეს თვისება – ადაპტაცია და სისხარტე ძალიან შორსაა ყოველდღიური სასკოლო ცხოვრებისგან, სადაც ყველა დღე ერთმანეთს ჰგავს.

4. ინიციატივა და მინარჩევის უნარები

კომპანიის „Cisco“ ვიცე-პრეზიდენტის მტკიცებით, მას ურჩევია ისეთი თანამშრომელი, რომელიც 10 ამბიციურ მიზანს სახავს და აღწევს, ვიდრე თუნდაც 7 ისეთი, რომელიც 6 ზუსტ მიზანს სახავს და ყველას ასრულებს. კომპანიებს სურთ ინიციატივანი თანამშრომლები, რომლებიც თუნდაც შეცდომებსაც დაუშვებენ. მსოფლიოში ყველაზე ინოვაციური კომპანიები აფასებენ შეცდომას, რადგან მათ კარგად იციან, რომ შეცდომაზე უფრო მეტს სწავლა შეიძლება, ვიდრე წარმატებაზე. რა ხდება სკოლებში? – მოსწავლეებს სჯიან შეცდომისთვის.

5. ეფექტური წარსა და კომუნიკაციის უნარი

ეს არის კომპანიის ხელმძღვანელების ნომერ პირველი საჩივარი მასწავლებლების მიმართ. ისინი ვაკვირვებულნი არიან, რომ ბევრ ახალგაზრდას არ აქვს ეფექტური წერის და ვერბალური კომუნიკაციის უნარი, მათ არ შეუძლიათ სათქმელის დამარწმუნებლად გადმოცემა, საკუთარი მოსაზრების ნათლად ჩამოყალიბება, რაც ასე მნიშვნელოვანია ყველა კომპანიისთვის.

6. საჭირო ინფორმაციის მოპოვება და ანალიზი

დღეს ნებისმიერი ორგანიზაციისთვის მნიშვნელოვანია, რომ მისმა თანამშრომელმა არა მარტო იცოდეს, როგორ მიიღოს ინფორმაცია, არამედ გამოარჩიოს მასში საჭირო და სასარგებლო მხარეები, ასევე გააანალიზოს, რა ინფორმაცია იქნება ღირებული მომავალში. 21-ე საუკუნეში ინფორმაციის მოცულობა, ყოველდღიურად, არა მარტო იზრდება, არამედ იცვლება კიდევ, მაგალითად, თუ გუშინ ვიცოდით, რომ მ ჰქონდა იყო, დღეს შეიძლება გავიგოთ, რომ მეცხრეც არსებობს. ამ ინფორმაციას გუგლი უფრო სწრაფად და ზუსტად მოგვანვდის, ვიდრე ჩვენ დავიმსახურებთ. მსგავსი ტექნოლოგიური მიღწევები ბუნებრივად აჩენს კითხვას, რა არის დაზეპირების როლი განათლებაში, რომელზეც ამდენი დრო იხარჯება?

7. ცნობისმოყვარეობა და წარმოდგენის უნარი

ეს ორი თვისება მთავარ როლს თამაშობს ინოვაციაში. ინოვაცია კი არის ის, რაც ეკონომიკას ამოძრავებს და ძალიან მნიშვნელოვანია, ზოგადად, კაცობრიობის განვითარებისთვის.

„სამწუხაროდ, დღეს არც ერთი ზემოთ ჩამოთვლილი თვისება სკოლებში არ ისწავლება და არც მოწმდება. ეს არ არის არც ერთი პედაგოგის ან დირექტორის ბრალი, მოძველებული სისტემის ბრალია, რომელიც საუკუნის წინ შეიქმნა და დღემდე არ განუცდია ცვლილება.“ – ტონი ვაზნარისკანი.

1. კრიტიკული აზროვნება

და პრობლემების გადაჭრის უნარი

იმისთვის, რომ იყვნენ წარმატებულნი თანამედროვე კონკურენციის პირობებში, ორგანიზაციებს სჭირდებათ, მათი ყველა თანამშრომელი იყოს მოაზროვნე, რომელსაც შეეძლება დამოუკიდებლად გადაჭრას პრობლემები. ის დრო, როცა ხელმძღვანელები თავად წყვეტდნენ ყველა საკითხს, წარმატებულმა კომპანიებმა კარგა ხანია წარსულს ჩააბარეს, ამიტომ პრობლემებს, რომელიც უშუალოდ ასრულებს საქმეს, აუცილებელია ჰქონდეს კარგი ანალიტიკური უნარები. მან უნდა გაზომოს, შეაფასოს და მიიღოს შესაბამისი გადაწყვეტილება. მსოფლიოში ცნობილი სასტუმროების ქსელი „ჰილტონი“ დამატებით 2000 დოლარს უხდის თანამშრომლებს იმისთვის, რომ მოიფიქრონ პრობლემების გადაჭრის თავიანთი ხედვები.

კრიტიკული აზროვნება ნიშნავს, არ მიიღო მოცემულობა ჭეშმარიტებად და დასვა კარგი კითხვები, რომელზეც სწორი პასუხის გაცემა მოითხოვს პრობლემის ახლებურ გადაწყვეტას. როგორც კომპანია „Dell“-ის ვიცე-პრეზიდენტი ამბობს: „გუშინდელი პასუხები დღევანდელ პრობლემას ვერ გადაჭრის“. ამის საპირისპიროდ, მოსწავლეებს სკოლაში ასწავლიან, რომ დაიხეპირონ სწორი პასუხები“ – ამბობს ნიგნის ავტორი

2. მულტიკულტურულ გარემოში

გუნდური მუშაობის და ლიდერობის უნარი

დღეს წარმატებული კომპანიები თანამშრომლებს მთელი მსოფლიოდან უყრიან თავს, მათი წარმატებული მუშაობის უმთავრესი წინაპირობა განსხვავებული კულტურის რელიგიის ღრმა პატივისცემა და დაფასებაა. გავლენით ხელმძღვანელობა გულისხმობს, თანამშრომლების მოტივირებას და მართვას არა ფორმალური ბერკეტებით, არამედ ლიდერული თვისებებით. ისწავლება თუ არა ეს თვისებები სკოლებში? ავტორის თქმით, განათლება ყველაზე იზოლირებული პროფესიაა მსოფლიოში. როცა ფეხბურთელები თამაშობენ, მათ უამრავი ხალხი უყურებს, საკლასო ოთახის კარი კი დაკეტილია. როგორ შეიძლება ასეთ პირობებში პედაგოგები იყვნენ გუნდური მუშაობის და გავლენით ლიდერობის მოდელი.

3. სისხარტე და ადაპტაციის უნარი

სისხარტე ნიშნავს, დააფიქსირო და სწრაფად გადაჭრა პრობლემები დამოუკიდებლად. ადაპტაციის უნარი ნიშნავს, იმ შემთხვევაშიც კი, თუ წლების განმავლობაში ერთ კომპანიაში მუშაობ, თანამედროვე ორგანიზაციები იცვლებიან წლიდან წლამდე და ახდენენ რესტრუქტურისა და ყოველი ასეთი რეორგანიზაციის შემთხვევაში, ყველა თანამშრო-

კავშირი

მინისტრმა ახალი სკორტული დარბაზი მოინახულა



ხელვაჩაურის მუნიციპალიტეტის ზედა ახალშენის საჯარო სკოლის მოსწავლეებს, ახალი სასწავლო წლიდან, სპორტის გაკვეთილები ახალ სპორტულ დარბაზში ჩაუტარდებათ. დასრულებული სპორტული დარბაზი, აჭარის განათლების, კულტურისა და სპორტის მინისტრმა, ინგა შამილიშვილმა სა-მინისტროს სახელმწიფო შესყიდვების დეპარტამენტის უფროსთან, ჯემალ სურმანიძესთან, ერთად მოინახულა.

პროექტის მიხედვით, სკოლის ტერიტორიაზე ახალი დახურული სპორტული დარბაზი აშენდა და სპორტული ინვენტარით აღიჭურვა. სპორტული დარბაზის ფართი შეადგენს 231 კვ.მ.-ს. ასევე, კეთილმოეწყო გასახდელი ოთახები და მასწავლებლის კაბინეტი. დახურული სპორტული დარბაზის გვერდით, პარალელურად, მოეწყო 180 კვმ ღია სპორტული მოედანი, ხელოვნური საფარით და დამცავი ღობით. მინისტრმა დადებითად შეაფასა განხორციელებული სამუშაოები და აღნიშნა, რომ „სამინისტროსთვის მნიშვნელოვანია სპორტული ინფრასტრუქტურის გამართვა, რათა ბავშვები ჯანსაღი ცხოვრების წესით აღიზარდონ. სკოლებში კეთილმოეწობილი დახურული და ღია სპორტული მოედნების მოწყობას განსა-

კუთრებული მნიშვნელობა იმ სიახლის ფონზე ენიჭება, რომელიც ეროვნული სასწავლო გეგმით, ახალი სასწავლო წლიდან, სკოლებში ფიზიკური აღზრდისა და სპორტის გაკვეთილებზე დაინერგება“.

ხელვაჩაურის მუნიციპალიტეტის ზედა ახალშენის საჯარო სკოლის სასკოლო სპორტული ინფრასტრუქტურა სრულად აკმაყოფილებს თანამედროვე სტანდარტებს და შესაძლებელია მოზარდების სპორტის სხვადასხვა სახეობებში კომპლექსურად მომზადება.

შეხვედრა ლაიფციგის უნივერსიტეტის დოქტორანტებთან

აჭარის ავტონომიური რესპუბლიკის განათლების, კულტურისა და სპორტის სამინისტროში მინისტრი ინგა შამილიშვილი და მინისტრის მოადგილე თეონა ბერიძე გერმანიის ლაიფციგის უნივერსიტეტის დოქტორანტების ჯგუფს შეხვედნენ, რომლებიც საქართველოში სასწავლო ვიზიტით იმყოფებოდნენ. მინისტრმა ლაიფციგის უნივერსიტეტის დოქტორანტებს აჭარის განათლების, კულტურისა და სპორტის სამინისტროს საქმიანობის ძირითადი მიმართულებები გააცნო. განსაკუთრებული აქცენტები განათლები-



სა და კულტურის სფეროში მოქმედ პროგრამებზე გაკეთდა. ასევე, შეხვედრაზე საუბარი შეეხო უმაღლესი განათლების სფეროში სამომავლო თანამშრომლობის პერსპექტივებს.

კერამიკის ალქიმი



აჭარის ავტონომიური რესპუბლიკის განათლების, კულტურისა და სპორტის სამინისტროს ხელშეწყობით, ფესტივალის „კერამიკის ალქიმი“, რომელიც ბათუმში 29 აგვისტოდან 12 სექტემბრის ჩათვლით მიმდინარეობდა, დასრულდა. ფესტივალის დასკვნით ღონისძიებას, არქეოლოგიის მუზეუმში, აჭარის განათლების, კულტურისა და სპორტის მინისტრი ინგა შამილიშვილი და მინისტრის მოადგილე თეონა ბერიძე ესწრებოდნენ. ბათუმელ კერამიკოსებთან ერთად, ფესტივალში ლატივიელი ხელოვანები და ასევე, თბილისის სამხატვრო აკადემიის კერამიკის სპეციალისტის პროფესორ-მასწავლებლები მონაწილეობდნენ. ფესტივალის ფარგლებში, ყოველდღიურად, ადგილობრივი და უცხოელი ნამუშავნი კერამიკოსები ვორქშოპებს ატარებდნენ, მონაწილეობის მიღება ნებისმიერ დაინტერესებულ პირს შეეძლო. ფესტივალის მიზანია რეგიონში ტრადიციული და თანამედროვე ხელოვნებისა და კულტურის პოპულარიზაცია, ტურიზმისა და შემოქმედებითი ინდუსტრიის განვითარება. არქეოლოგიის მუზეუმში ფესტივალის ფარგლებში შექმნილი ნამუშევრების გამოფენა მოეწყო. ინგა შამილიშვილი და თეონა ბერიძე ფესტივალის მონაწილეებს სერტიფიკატები გადასცეს.

სპორტი

40 წლის უბილესი



43-ე მსოფლიო საჭადრაკო ოლიმპიადის საორგანიზაციო კომიტეტმა და საქართველოს ჭადრაკის ფედერაციამ მოახლოებულ ოლიმპიადას კიდევ ერთი საინტერესო ღონისძიება მიუძღვნა – 4 სექტემბერს, კახეთში, ილიას ტბაზე, **მაია ჩიბურდანიძის** მსოფლიო ჩემპიონობის 40 წლის იუბილეს **ნონა გაფრინდაშვილთან** მატჩით აღინიშნა!

სიმბოლური პაექრობა, რომელსაც ოლიმპიადის საორგანიზაციო კომიტეტის ხელმძღვანელები, კახეთის მხარის მაღალჩინოსნები და გულშემატკივრები ესწრებოდნენ, ფრედ – 1,5:1,5 დასრულდა. პირველი ბლიც-პარტია მაია ჩიბურდანიძემ მოიგო, მეორე ყამით დასრულდა, მესამეში კი ნონა გაფრინდაშვილმა გაიმარჯვა.

მსოფლიოს ხუთგზის ჩემპიონმა მაია ჩიბურდანიძემ საჭადრაკო დედაფლის გვირგვინი 1978 წელს სწორედ ნონა გაფრინდაშვილთან გამარჯვებით მოიპოვა. საჩემპიონო მატჩის ბიჭვინთამ უმასპინძლა. ქალბატონი ნონა მსოფლიოს ხუთგზის ჩემპიონი გახლავთ, ორივენი კი საჭადრაკო ოლიმპიადის კეთილი ნების ელჩები არიან.

„არც მგერა, რომ უკვე 40 წელი გავიდა... ბედნიერი ვარ, რომ ეს მოვლენა ასე ლამაზად აღინიშნა! 40 წლის წინ ბიჭვინთაში მოვიგე მსოფლიო ჩემპიონის ტიტული, ახლა კი კახეთში ვეთამაშე ნონას... ძალიან ლამაზი და ამბილევებული დღე გამოვიდა, მაღლობა ყველას – ჭადრაკის ფედერაციას, ოლიმპიადის საორგანიზაციო კომიტეტს, გულშემატკივრებს... ყველას, ვინც დღევანდელი დღე ასე ლამაზად აღინიშნა. ვისურვებდი, რომ იმ გამარჯვების 50 წლის იუბილესაც აღგვენიშნოს“ – განაცხადა მაია ჩიბურდანიძემ.

„მაღლობა ჩვენს ლეგენდარულ, მართლაც საამაყო მოჭადრაკეებს ასეთ ლამაზ ღონისძიებაში მონაწილეობაზე რომ დაგვთანხმდ-

*ნენ. ქალბატონი ნონაც და ქალბატონი მაიაც ქართული სპორტის მშვენიერები არიან, მათ საქვეყნოდ გაუთქვეს სახელი არა მარტო ჩვენს ჭადრაკს, ზოგადად, საქართველოს. ვიმედოვნებ, დღევანდელი დღით ყველა ძალიან ნასიამოვნები დარჩა“ – განაცხადა საქართველოს ჭადრაკის ფედერაციის პრეზიდენტმა, 43-ე მსოფლიო საჭადრაკო ოლიმპიადის საორგანიზაციო კომიტეტის ერთ-ერთმა ხელმძღვანელმა, **გიორგი გიორგაძემ**.*

მაია ჩიბურდანიძის და ნონა გაფრინდაშვილის პაექრობას ოლიმპიადის სპონსორის – „მეღვინეობა ხარებას“ ხელმძღვანელებიც დაესწრნენ. კომპანიის მესვეურთა გადაწყვეტილებით, მაია ჩიბურდანიძის მსოფლიო ჩემპიონობის 40 წლის იუბილეს „მეღვინეობა ხარება“ სპეციალურად ამ მოვლენისთვის ჩამოსხმულ ღვინის სერვისს მიუძღვნის.

*„მოხარული ვარ ასეთ ლამაზ დღეს რომ ვესწრები. ჩვენი კომპანიისთვის დიდი პატივია ქართული ჭადრაკის მხარდაჭერა და დარწმუნებული ვარ, ჩვენს მოკრძალებულ წვლილს შევითანთ მის წინსვლაში. რაც შეეხება დღევანდელ იუბილეს, გადაწყვეტილებით ჩვენი საამაყო მსოფლიო ჩემპიონების საპატივცემულოდ სპეციალური სერია ჩამოვასხათ, რომელიც ორ ბოთლში გავრთიანდება და 40 წლის წინანდელ მატჩს მიეძღვნება“ – განაცხადა „მეღვინეობა ხარებას“ გენერალურმა დირექტორმა, **გიორგი ეზუგბაიამ**.*

დღის დასასრულს „მეღვინეობა ხარებას“ საიუბილეო ღონისძიებაში მონაწილეებს ყვარელში, ღვინის გვირაბში უმასპინძლა, სადაც მაია ჩიბურდანიძესთან და ნონა გაფრინდაშვილთან სიმბოლური შეთანხმება გაფორმდა.

მაღალი რანგის შეჯიბრება

კორეაში გამართულ სროლის სახეობათა მსოფლიოს 52-ე ჩემპიონატში წარმატებით გამოვიდა ქუთაისელი სპორტსმენი **ლიზი კილაძე** – ახალგაზრდებში პნევმატური პისტოლეტიდან სროლაში ბრინჯაოს მედალი მოიპოვა. **ნინო სალუქვაძის** შემდეგ ამ სახეობაში ეს პირველი შემთხვევაა, როცა ამ რანგის შეჯიბრებაზე ჯილდო დავიმსახურეთ.

თუმცა ჩვენთვის წარმატებაა ისიც, რომ ფინალში, ანუ საუკეთესო რვა სპორტსმენს შორის, მეორე წარმომადგენელიც გვყავდა და ისიც ქუთაისელი – აკაკი ნერეთლის სახელობის უნივერსიტეტის სტუდენტი **ნინო ხუციბერიძე**, ახალგაზრდებში ევროპის ვიცე-ჩემპიონი. მან საკვალიფიკაციო ეტაპი მესამე ადგილზე დაასრულა 571 ქულით, თუმცა ფინალის შემდეგ საბოლოოდ მეშვიდეზე დარჩა.

კილაძემ საკვალიფიკაციო ეტაპი 569 ქულით დაასრულა, თუმცა კინაღამ ისე მოხდა, რომ ფინალს მიღმა დარჩა – იქ შესასვლელად დამატებითი მაჩვენებლების მოშველიება დასჭირდა, რადგან რუსმა **იანა ენინაძე** ამდენივე ქულა დააგროვა. საბედნიეროდ, ჩვენებს 10-იანიც მეტი ჰქონდა და ბოლო სერიაც უკეთ დაასრულა.

თბილისში დაბრუნების შემდეგ მას რამდენიმე კითხვით მივმართეთ ჩემპიონატთან დაკავშირებით.

– ელოდით ამ წარმატებას, რამდენად ძნელი იყო ტურნირი?

– მსოფლიოს ჩემპიონატი ძლიერი ტურნირია, რადგან მთელი მსოფლიოდან ძლიერი კონკურენტები მონაწილეობენ, ბევრი მათ-

განი კი უკვე ტიტულოვანი სპორტსმენია.

მე ვცდილობდი, ჩემი შედეგი მეჩვენებინა და საკუთარ თავში დავრწმუნებულიყავი. მე ხომ ამ მედლისთვის დიდი ხანია ვვარჯიშობ, ამიტომ ძალიან გახარებული ვარ ამ წარმატებით. ვეცდები, სამომავლოდ კიდევ უკეთესი შედეგი ვაჩვენო.

– როგორ ფიქრობთ, მეტიც ხომ არ შეგეძლოთ?

– ცხადია, საკვალიფიკაციო ეტაპზეც შემძლო უკეთესი შედეგის ჩვენება. თავიდან არც ისე სახარბიელოდ დავიწყე გამოსვლა. არ ვიცი, ალბათ, ეს ნერვიულობის გამო მოხდა, რადგან უფრო მეტი მინდოდა. მანამდე, ვარჯიშებზე კარგი შედეგები მქონდა და შესაბამისად, მსურდა, შეჯიბრებაზე უკეთესად გამომსულიყავი. ამიტომ თავიდან ძალიან მოვიინდომე, მაგრამ როცა მივხვდი, შეცდომას ვუშვებდი და ფინალში ვერ გავდიოდი, ბოლო ორი სერია სხვა განწყობით ჩავატარე: ფარ-ხმალი კი არ დამიყრია, პირიქით, ვეცადე, ძალები მომეკრიბა და ნორმალური შედეგი მეჩვენებინა. ფსიქოლოგიურად უფრო თავისუფლად ვისროდი, თუმცა მანამდე ნაჩვენები ქულებიდან გამომდინარე, ფინალში მოხვედრას მაინც არ ველოდებოდი.

– ალბათ, ერთი გამარჯვების ტოლფასი სიხარული მაშინ განიცადეთ, როცა ფინალში გასვლა გაიგეთ – რუს იანა ენინას ხომ თანაბარ ქულაზე, დამატებითი მაჩვენებლებით აჯობეთ?

– ფინალში რომ შევედი, ნერვიულობის თავიც არ მქონდა, საკვალიფიკაციოში იმდენი ვინერვიულე. თუმცა ნინო სალუქვაძემ ბევრი რჩევა მომცა, დამარგა, რომ არ მენერ-



ვიულა, რაც ძალიან გამომადგა.

ფინალში ოთხნი რომ დავრჩით, 2014 წლის მსოფლიოს ჩემპიონატზე განცდილი ნერვიულობა გამახსენდა, როცა ასევე ოთხნი შემოვრჩით, მაგრამ მე გამოვვარდი და მეოთხე ადგილზე დავრჩი. ვფიქრობდი, ღმერთო, ოღონდ ახლა არ გამოვვარდე-მეთქი და როცა ფრანგი მსროლელი გავარდა, ვერ აგინერთ, რა დღეში ჩავვარდი. ეს ხომ ჩემი შრომის დაფასება იყო და თან პირველი მედალი მსოფლიო ჩემპიონატზე. ამიტომ ძალიან გახარებული ვიყავი. ერთი სული მქონდა, როდის გამოვიდოდი და ჩვენებს სიხარულს გავუზიარებდი.

ბუნებრივია, უფრო მეტიც შემეძლო, რადგან გამოცდების გამო ამ ჩემპიონატისთვის ხეირიანად ვერ მოვეზადე, 2-3 თვე არ მქონდა დავარჯიშები – არც შეკრებაზე ვყოფილვარ და არც ტურნირზე სერბეთში. გამოცდების გამო თავი გადავდე, თუმცა მეტს მაინც ველოდი. ცხადია, მნიშვნელოვანია შრომის დაფასება, რათა სამომავლოდ მეტი სტიმული გქონდეს და უკეთეს შედეგებს მიაღწიო. ისევე გავაგრძელებ ვარჯიშს, ამაჯერად – უკვე თბილისში, რადგან აქ ჩავაბარე და სასწავლებლად დედაქალაქში გადმოვივივარ. იმედია, მსოფლიოზე დაშვებულ შეცდომებს გამოვასწორებ და ევროპის ჩემპიონატისთვის უკეთეს ფორმაში ვიქნები.

ლიზი კილაძის გარდა, საკუთარი გამოსვლის შეფასება ნინო ხუციბერიძესაც ვთხოვეთ. კარგი სტარტის შემდეგ უმედლოდ დარჩენის გამო გულდანწყვეტილი მაინც ოპტიმისტურ განწყობაზე იყო: „საკვალიფიკაციო ეტაპზე ძალიან კარგად ვიმუშავე, ფინალში კი გული დამწყდა, ბოლომდე რომ ვერ გამოვავლინე ჩემი შესაძლებლობები. თუმცა ამანაც ბევრი რამ მასწავლა, ბევრ შეცდომას მივხვდი, რასაც მომავალში გამოვასწორებ. ახლა უკვე ვიცი, რაზე უნდა ვიმუშაო და რა უნდა გამოვასწორო. თან ამ ჩემპიონატმა ჩემი თავის რწმენაც მომცა.“

რუბრიკას უძღვება ირაპლი თაყაიძე



